

宋

會

要

宋會要 審官東院

淳化三年置唐^勅京朝官院四年改又太平興國中置差遣院至是併入
在宣德門外西北廊下考校京朝官之殿最分捷內外之任而秦之知院
事二人以朝官^充書令史七人掌^給二人。熙寧三年分東西院玉海五月
丁巳二十八日詔以審官院為東院置主簿二人。太宗太平興國六年九月
詔應在京朝官^{京官}差中書舍人郭贄御史知雜^中正戶部郎中雷德驥
同考校勞績過紀銓量材器堪何任使候要人差使令中書送贄尋定差
具姓名中中書奏呈並須盡公採訪考校如涉私徇當加其罪仍令贄等
照檢班簿務令齊整。八年六月命刑部郎中楊徽之庫部員外郎孔承
恭同考校京朝官殿最。雍熙二年四月命右諫議大夫雷德驥同知京朝官考課仍
保勲同知京朝官考課十月命右諫議大夫雷德驥同知京朝官考課仍
令所差京朝官京官自今並具其人功過引見取旨。初太宗謂宰臣曰朕
親閱班簿擇堪河北轉運使者而臣僚既衆不能盡識亦不知其履行自
今可令引對既得漸識群臣可以擇才委任且使有官政者樂於召對有
事得以面陳負瑕累者亦恥於顧問懲惡勸善於是在焉。端拱元年六
月以左諫議大夫劉燾同知京朝官考課。淳化四年二月以考校京朝

官院為審官院五月以翰林學士錢若水樞密直學士劉昌言同知審官院先是置京朝官考課院又別令校其殿最至是併而為一命若水等主之十月詔審官院自今初任京朝官未曾歷州縣不得擬知州通判從翰林學士承旨蘇易簡之請也至道元年十月詔今後自廣南迴京朝官須在任及二周年已上者即與兩任近地未滿二年者只與一任真宗咸平元年六月詔審官院自今知州通判以不治代還者並校閱兄整務四年二月詔審官院京朝官父母年七十以上者不在此限四月十五日審第者並與近地如有親的兄弟年二十以上者不在此限四月十五日審官院引對京朝官于崇政殿遷秩有差舊制郊祀恩百僚多獲序進真宗即位諫官孫何耿望上疏請罷之以塞流弊於祀郊行慶止加勲階爵是邑而命有司考其殿最臨軒黜陟之景德四年七月詔審官院磨勘京朝官勞績並限在任官三年已上者方得引對未及者依例差使如特令考校引對者不在此限初審官院在除任不理及非時解替外不限改官月日考績引對至是始定年限大中祥符八年八月審官院言請以諸道轉運提點刑獄臣僚差出年月較其遠近先具磨勘從之又詔令審官院以近地二年半已上者遠地二年已上權與差替不為久例真宗以

京朝官候闕既久奉朝請者頗多故有是語 天禧元年三月詔應緣衝
罷降職及年考而未磨勘者罷或磨勘而不改官其後又及二考罪非踰
濫及入已職悉條列以聞十月詔令審官院知州通判監當知縣負闕限
一月內差人仍每月具已差未差名聞 二年四月審官院言在院京朝
官經兩次引問未就差遣者乞一面勘會定差從之仍令每問不得過十
月 三年三月詔審官院西川廣南得替迴幕職州縣官因舉奏及特恩
改授京朝官今復且與一仕近地差遣次任依例入遠 四年十一月審
官院言京朝官父母年八十已上者乞更不問有無兄弟並乞且與近地
差遣從之 五年七月審官院言朝官係荆湖江浙人者望比類福建淮
南人許歸本路守官從之 仁宗天聖元年十月審官院言乞自今在院
祇應候差遣京官以疾志申院者並批狀牒御史臺依例差遣官看驗如
委實疾志合與給假即牒報當院所貴得見諸實免有非如妄託緣從規
避差遣從之 二年九月審官院言準大中祥符七年四月敕廣南知州軍
通判知縣到任候及一年半差替又準天禧四年四月敕到任纔及一年
半便仰差替如未有人差遞旋掣盡移官往彼不得有違元限以此多是
在任不滿二年便替若依至道元年敕只合實一任近地有此未便今欲

除在任不理及別因諸事未滿替迴人外應係一年半替迴者並與兩任
近地從之 三年五月十五日詔今後京朝官在京勾當替罷無綰繫須
十日內赴院投納家狀祇候差遣如外任得替令御史臺依違近程限及
有事故出到公據外如違限兩月已上不到關令具事由申奏當行取勘
先事京朝官在京釐務得替有經三季不赴院納家狀即乞磨勘者故
有是詔 五年七月審官院言今年六月敕丁憂服闋京朝官等宜令審
官院依合入差遣資序並先次與差本院參詳若併有服闋官到院並升
先次則久待闕又必恐難得差遣今欲應得替京朝官如到院待闕已及
三箇月已上者其丁憂服闋人不許超越姓名先次差遣餘準令敕處分
從之 六年正月詔今後京朝官須經三任知縣方得差充通判經三任
通判方得差充知州如有殊常勞績及奏舉人數多者令審官院取旨三
月審官院言本院職掌魏中正隨江仲甫接伴賀乾元節人使充書表祇
應乞目今審官院職掌更不許入國并接伴使副使指射抽差從之 七
年三月二十一日審官院言欲自今除特與優使并指定差遣人外其餘
官員到院公參日各令先欲求所向路分差遣文狀如有情願入遠及拆
資差遣者亦各于狀內開設如遇有缺不拘日限但經兩度勾請問當如

未就者即一緬勘會所乞路分合入遠近去處依名次定差內有自西川
廣南并沁遼不般家州縣得替及下憂服闋人許經三度勾請後未就差
遣即依前項勘會定差從之八月詔今後知州軍監通判知縣不因公事
朝廷非次差移者並許通計二年理為一任九月詔審官院自今定差知
州知軍引見後當日或次日令到中書審驗玉堂紀事翼燕語謀錄審官
院定差知州軍並以資歷不容起越資歷當得不容不與天聖七年九月
辛巳詔審官院定差並申中書引上審視若懦弱老疾不任事者罷之今
部堂審察其遺意也十二月九日詔審官院今後京朝官兩任共計及三
年半已上者依年滿人例差替八年八月詔審官院自今得替京朝官
如經知縣同判兩任內並無私罪并公過三度杖罪以下者並與知州同
判差遣更不用五人奏舉如有私罪及公過三度內有徒罪已上即依前
降條貫施行情理重者奏取指揮若三任內曾犯贓罪者不在升徙之限
內雖有奏舉不行九年二月二十三日審官院言廣南官請自今從京
差者須舊官在一年半以上者從江浙荆湖福建移授者須二年並前六十
十日差移從之五月六日審官院言京朝官有自本院移任并計轉官及
三暮者未委便理朝廷非次移任為復別須朝旨詔須自近入遠者聽以

三替為限 景祐三年三月十九日審官院言在院見管官員九十二人少得缺員欲並以到任一年半使闕便見任官滿三十月許赴任交替內元是丁憂移任及二年半許使闕並候三年交替從之 五年十月二十三日審官院言乞今後京朝官受使遣時隱匿不言親戚妨礙到任後乞就移者並與移遠路小處從之 寶元元年十月詔審官院臣僚陳乞親屬差遣如係京官並須年及格仍試書札讀律方聽出官 二年正月二十八日審官院言舊制京朝官到院日各指定所入三路自景祐四年十二月詔始不拘路分而率意擇地其闕官處擬奏不行今請復舊指定三任路如經三問闕不就並從本院據合實遠近定差若丁憂服闋并自不較家地分替者更許一問從之 慶歷四年正月詔審官院如批降旨擇後有合奏請事令主判官別取旨從判銓王質之請也 二月以天章閣侍講曾公亮刑定本院條貫 至和二年十二月又令編修皇祐三年以後所改者 五年九月四日詔審官院自今京朝官嘗為監司體量及半年無顯狀者先奏上中書 皇祐五年九月詔審官院授差遣及半年者毋得以堂除人衡之 至和元年十二月詔審官院內外官自酬獎處代還毋得復入有酬獎處 二年五月八日新差知河陽呂公綽言切見審官院

審官西院
另行依二
寫

近歲以來為守待差遣人眾不住學畫預使向前負國日學畫其預使
負劇注擬依舊外所有見在任官即令審官院勘會作先朝合差替月日
限之制於差狀內開說及期方降替救從之 嘉祐二年五月詔審官院
今後更不許自投文字磨勘其任西川廣南官歲滿前三月餘路前兩月
令本院預舉行之 三年十月二十二日審官院言見祇應差遣京朝官
負多朝少住京至一二年深見不易應在院未有差遣者乞並許請做出
外等候缺次所降劄子更不言定日限候至名次稍高任自參假赴院從
之 五年六月詔審官院京朝官入西川廣南福建路差遣而用薦舉官
現免者委本院執奏之 七年三月詔審官院奏補京朝官初該磨勘者
自今須有舉主一人方聽改官 英中治平元年四月知審官院王珪奏
新編本院教十五卷詔行之中書備對審官東院差遣知院二員主簿二
員 審官西院 神宗熙三年五月二十八日詔國家以西樞內輔贊
翊本兵任為重矣而狃于舊制自右職陞朝以上必兼擇而除授之是以
三公府而親有司之為非所以遇朕股肱之意也今使臣增員至眾非張
官置吏以紀其事則不足以一文武之法而饒中外之才矣宜以審官院
為審官東院別置審官西院差知院官兩員專管階門祗候以上諸司使

磨勘常程差違應有合行事件並仰知院官條例以聞俾銓叙有常程然
陟有常守官修而紀律振任專而考察精庶熙治綱成體朕志以天章
待制齊恢為知院兵部郎中韓頌同知是月詔以太常禮院為審官西院
從參政王安石辭終之言也省樞密院六十有二事歸之併禮院歸本寺
本院吏人依東院例抽差本院公使錢及知院官請給當直人等並準東
院例六月以大理寺丞張覲光祿寺丞趙子雲並為西院主簿從知院韓
績奏舉也九日詔審官東院西之印各六字為文令少府監鑄造送禮部
給付二十三日詔本院日逐主判官員自早入局須候中書樞密院出方
得出院如有兼職去處不在此限本院不許接見賓客諸司使已下至崇
班并閣門祗候除整會差遣磨勘到院公參外即不得擅入司房應公報
本院公文並依東院例二十五日詔大使陳磨勘文字見在院祗候差遣
之人依審官東院例引見更不告謝七月八日樞密院劄子勘會大使呂
卿色年甲歷任功過最優要切照驗行使若不住今將出入切慮別致改
易增減今後候見本院貼子取索脚色即時用覆封印差人供納才候檢
用畢却令逐房副承旨封記書押送還本院當官交割八月一日西院言
乞差軍頭司洒掃兵士五人節級一名從之四日西院言西京左藏庫副

使衛州兵馬都監曹說揚州管下瓜洲鎮松江巡檢內殿承制張文英各
為本處奏病患乞差官充替已施行外今候到闕體量未委合屬何處詔
西院中書徵院依條體量仍今後應有年老病患替使臣準此二十七日
編修中書條例所看詳奏舉大使臣宗班以上內外監當差道自來係中
書行遣欲乞將應用條貫頒下西審官院今後只批狀本院仰檢用前後
條貫移問近處官司如別無違礙即具奏差仍開坐合行條貫及本官資
序委中書點檢施行仍令本院一面申樞密院并牒三司其受納守給應
合行事件仰三司檢舉依例指揮中書更不降劄子下逐處並從之九月
西院言沿邊三路差官去處其大使臣年少才武有舉主而未歷遷任
故事不許遷差望許之從之十一月十五日著作佐郎胡宗師為審官西
院主簿代太常博士閻灝轉作監主簿沈遼以同知院尚書度支部中王
克臣奏灝等不職故能罷之仍自今止置一員 五年十二月六日右諫
議大夫知審官西院事沈立等上新修本院條貫十卷總領一卷 七年
十月二十六日樞密院言今後元係路分都監知州軍已上合降差遣依
舊令樞密院量情罪差注看詳立條之意蓋為武臣有久歷任使官序已
高或情理至輕故令本院差注然其間却有係小處知州軍及物入路分

都監因事銜替差替到關情理稍重一例舉本院差注比之審官待職顯
屬太優無以懲戒況文臣職事偶坐不職尚送審官東院差遣除係橫行
欲今後大使臣任路分部監知州軍已上合降差遣除係橫行使副以上
及今來降^元寇州鈐轄之類審官無案名關次者並依上項指揮外其餘並
量所坐輕重臨時取旨與本院差遣或送審官西院其小使臣特旨責降
亦乞準此並從之仍逐次擬進取旨

磨勘附審官院後

太祖建隆二年五月十七日右監門衛將軍魏仁恭等以監臨酒麴市征額外有羨利並命遷秩故事文武常參官以曹事繁省為月限考滿則遷慶恩止轉階勳爵邑太祖循名責實非有勞者未嘗進秩自是歲敘遷之典不復舉真宗咸平四年四月十五日審官院引對京朝官于崇政殿遷秩有差舊制郊祀恩百僚多獲序進太祖即位諫官孫奭盟上疏請罷之以塞僥倖於是郊禮行慶止加勳階爵邑而命有司考其殿最臨軒黜陟之五年六月二十二日詔審刑院詳議官大理寺推少卿詳斷官今後三年滿無遺闕磨勘引對遷官如任內曾遷者不在此限故事凡

本司官滿方有叙遷之文。今刑法司悉是他官。魚領故特降詔以勸盡心焉。八月十六日以祕書丞直史館判三司度支勾院孫冕為左正言。度支判官祕書丞孫航為監察御史。倉部郎中直祕閣滿慎修為考功郎中。都官郎中直史館劉家史為職方郎中。太常博士直史館盛玄為屯田員外郎。祕書丞直集賢院劉臨為太常博士著作佐郎。祕閣校理戚綸為太常丞。光祿寺丞直史館張庶凝為著作佐郎。職如故。先是京朝官任中外職事受代考課引對多獲叙遷而計司三館不預茲例有久次者內出姓名故有是命。十二月十三日詔審官院考較京朝官今任五年以上無贓私罪者以名聞。當議遷其秩諸路轉運副使令中書進擬。帝以郊恩例加勲階恐有久次宜旌別者故降詔焉。景德四年七月四日詔審官考較京朝官課績見任官三年已上者方得引對。特令考課者不在此限。丁憂者除丁憂月日外及三年方得磨勘。先是京朝官代還無殿累者皆考覈引對。至是始定年限焉。大中祥符九年六月三日三司言准詔檢勘監榷貨務香藥庫使安守忠供奉官閤門祗候黎守中監臨三年都收緡錢比未改法增八百四萬九千餘貫。帝嘉其幹職而不擾不擢守忠叙州刺史。守中內殿崇班。四年八月十五日詔自今兩省御史臺官須

文學優長政治尤異者特加擢拜遇慶恩不得以他官轉入其東頭供奉
官至閤門祇候高品至殿頭內供奉官至崇班並不得一例遷授其不預
改者當議優與差遣增其俸給 八年正月一日敕書應京朝官兼在京
職任及監臨務局者轉官及三周年並令審官院磨勘引對外任官及三
周年者計其歷任功過中審官院檢勘以聞 二月中書門下言舊例臣
僚奏舉幕職州縣官並下流內銓勘會復中中書然後取及六考內令銓
司磨勘引見欲今後未及六考者更不下銓從之 閏六月詔應今後幕
職州縣官得替無遺闕止少一月以下不成考者宜令銓司引見貼出
仍具成考合入資叙一處取旨 九年八月三日詔兩省官并龍圖閣待
制三司副使以上自汾陰後來未經遷轉者並特與轉官翰林學士李維
已下十人並進官用是詔酬久次也 九月二十七日詔外任京朝官故
事代還方許考課引對其或就移及過期不替有累年不遷者自今但轉
官及三周年雖在外並磨勘以聞 天禧元年二月十三日詔京朝官改
秩至今年正月十一日及三歲不限中外職任但非曾犯入已贓令審官
院磨勘以聞當議遷陟 帝以昨經大禮加恩止於勅散爵邑故優其成
滿及犯輕者令考覆之 三月十三日審官院言準詔京朝官秩滿三年

歷任無贓者磨勘以聞今參詳內有非時衝替及因罪降差遣未滿一任或曾經考課不轉官者欲更不勘會詔應前項人候更及三年非贓盜者悉許考校以聞時帝謂宰臣曰京朝官有贖死不治衆所共知而無顯過者考課之際第以久次遷擢非勸沮之道也宜志之八月二十二日詔伎術人雖任京朝官審官院不在磨勘之例二年六月一日詔三班使臣經汾陰轉官後及七年者許令磨勘遷秩七月十日敕書京朝官丁憂及勾當事就移經七年不改官者審官院勘會特與轉遷三年三年六月二十四日詔審官院應轉運使副提點刑獄內外帶職兩省臺官并京朝官等官及三年以上者如在外仰逐處收接歷任文狀附遞送審官院磨勘進呈內有得替到闕及在京見勾當者亦與磨勘引見如在京三年已經磨勘改轉或尚且依舊勾當者即直候得替更及三年已上再合磨勘依例施行其內外有未磨勘間便遇朝廷差使者如今該磨勘如昨已經勘會轉官及七年曾具申奏并因公事降差遣移任無例磨勘者不在此限七月審官院言準詔磨勘內外臣僚合具申請在京勾當臣僚已經磨勘轉官仍舊勾當即候得替更及三年再合磨勘者參詳如見勾當未罷者即準前詔直候得替磨勘如朝廷特更留一任或量留年限者欲

望每任及三年亦與磨勘又京朝官轉官雖及三周年曾經磨勘引見及奏名亦該七年申奏者雖不轉官亦望自磨勘後重叙三年方得磨勘如未經取旨特旨別令磨勘者不在此限又勾當事京朝官自降勅以前差遣者即準前詔一例磨勘降勅後方就差遣其間多有改官已及三周年者參詳未勾當事以前雖不該磨勘乞朝廷相度如勾當後及一年或二年若別無遺闕即許將前來年限通理亦與磨勘詔臣僚磨勘歷任文字仰本院并將自前已磨勘歷任功過一處開拆進呈降勅後就差遣者改官已及五年勾當事及一年并改官及三年勾當事及二年者並待與磨勘餘悉依奏 九月審官院言京朝官在任三年以上未改轉者磨勘到文字欲送中書門下進呈從之 十月中書門下言三司判官轉運使到滿當遷秩者但進士及第或帶館職者欲皆授命曹從之 十一月十九日敕書京朝官遷秩及三年者並與改官歷任曾犯贓罪經七年者委中書門下勾掌事三班使臣及磨勘年限者並與改轉班行內曾犯贓罪經十年者委樞密院取旨掌事殿直已下至供奉官帶閣門祇候自今及五年未遷者令樞密院考課以聞其三班使臣年限合該磨勘自今雖在外任並與施行 四年五月八日將作監丞通判果州張觀言父居業見任

越州支使年踰耳順猶滯選門今蒙恩改秘書郎願以回授詔流內銓召
 居業考課引對其秘書郎告勅以授觀五年正月七日宰臣言考較京
 朝官幕職州縣官內有合該遷秩及定差遣恩例伏緣多值假日欲具舊
 例擬定進內從之二月七日該內外京朝官經磨勘不改官後來無私
 罪通及四年者並與遷官五月詔審官院自京朝官考績及授任合引
 對者並于資善堂呈引乾興元年仁宗已即位三月八日樞密院言敕
 書閣門祇候並與加恩勘會人數並轉一資供奉官至借職欲令三班院
 具人數供申候到轉一資內有年限已滿自合改轉者並轉兩資寄班祇
 候使臣亦同此例並從之九月二日司天監丞徐起等言過真宗御
 樓及今上即位兩章慶澤只蒙一次轉官及加階乞援京朝官例遷秩詔
 今後司天監并諸色伎術等官並不得依京朝官例磨勘加階轉官十
 二月詔三班差使殿侍在外歲滿許逐處取索功過文驗入遞委三班院
 磨勘當與就轉官自今不得妄作名目差遣入京仁宗天聖元年四月
 一日中書門下言準中旨取內外文資陞朝官出身歷任功過令編寫班
 簿進內所有郎中以下至京朝官係審官院磨勘差遣見今本院供寫其
 尚書丞郎給諫兩制等官職宗進備知才力見委寄內外差任更不編寫

歷任從之 二年正月吏部南曹言選人磨勘例問刑部有無過犯定奪
公私罪名又恐其間曾有負犯或奏按在大理寺未經奏斷即刑部無由
得知自今更乞會問大理寺從之 八月十九日帝問中書門下凡銓曹
磨勘選人中有私罪者如何宰臣曰所犯罪情理各有輕重只如墜笏失
儀赴衙謝不到但不緣公事皆為私罪帝曰今後似此等私罪並與相度
陞陟 三年四月十二日太常博士直集賢院程琳言蒙恩改官今三周
年合該磨勘緣差接送伴賀乾元節人使乞依外任例不候到闕先次磨
勘詔琳特與轉官 十五日審官院磨勘到秘書丞秘閣校理陳詒歷任
功過引見詔先為王欽若辟充西京判官後因欽若疾病擅離任所坐累
降充襄州監酒復滿三年合該磨勘詔特與轉官 二十五日流內銓
磨勘引對翰林侍講學士孫奭所舉滑州觀察判官董師詔特與太子中
允 儲進士策名任兩使判官資序合入太常博士以歷任有過曾答決
部民致死特令近下除官 五月十八日中書門下言應合該磨勘京朝
官并選人欲今後更不擬定合與恩澤只是歷任功過進入旋取者從之
七月六日權御史臺推直官殿中丞程賁言轉官已三周年審官院以為
權差未罷不許校課引見詔與磨勘今後在京差遣並准此 二十七日

審官院言得益州路提點刑獄張逸狀先授太常博士改監察御史通及
三年詔依例磨勘九月六日中書門下言應京朝官經登位覃恩轉官
後及三年者並依景德四年七月初施行其移任或不因公事非時除替
及歲未滿別授差遣或特恩任使者候轉官及四周年以聞其天禧三年
六月詔書更不用從之先是京朝官有任滿三年不候到闕於所在申
發文字便許磨勘改轉考績之制頗為濫易故申明景德條制焉五年
四月六日三班院言先準敕閣門祇候及未轉遷者並與磨勘未審止其
年當滿者復今後以五年為例詔自今後經轉官及五年者並與磨勘五
月十六日左侍禁閣門祇候潘承規符惟忠言轉遷班行今已五年昨因
祇候失儀罷職不曾停官已復舊制欲乞磨勘不得為例六年正月四
日詔閣門祇候經歷遷任及中外委使者特與五年磨勘餘並具功過奏
裁二月詔三班磨勘閣門祇候京朝官例進歷任脚色二本一留中一
付樞密院三月十六日詔見勾當事並帶職任京朝官該用景德四年
七月初除磨勘者自依前勅其餘不在此京及外任候轉官及四周年令審
官院磨勘以聞九月十九日審官院言國子博士尹熙古轉官六年緣
是御書院待詔除官未敢以京朝官例磨勘詔熙古特許磨勘今後待詔

出職只補班行不得與文資 七年二月詔殿直至供奉官充閤門祇候
者自今勾當事或閤門祇候應實及五年方許磨勘內曾犯賊私罪因事
差替年老病患並須奏裁 五月二十六日詔如聞三班使臣磨勘吏人
選滯妄作會問其令知院官自今置簿依投狀名次編綠疾速按驗如須
會問所至限一兩日回報自投狀至引見與限半月不得漏落功過犯者稍
涉弊倖人吏當從決配七月直史館判吏部南曹洪鼎等言幕職州縣官
投納文字南曹問諸處元定勅限三司只許七日動經月餘始報欲乞依
天禧二年劉楚起請京朝官使臣幕職州縣官曾差專監場務候替令逐
州比較增虧有無責罰明書曆子及都帳送勾磨勘齋赴投納一依勅條
會問同否磨勘如祇是提舉元非專差監當替日造帳比較增虧勾磨畢
齋赴關於審官院三班院流內銓投納逐處提帳施行更不會問三司所
責簡便詔令三司詳定既而上言京朝官使臣幕職州縣官差在外比給
曆子各書功過替日更給解由及都帳付本官親執赴關其審官院三班
院流內銓並不用曆子解由為憑更須會問三司刑部大理寺枉成稽擾今
與大理寺刑部銓曹同議欲自今在任監臨一界課績令對比前界年月
日收數并立祖額逐年比增虧并應合書事迹畫一並批上曆子替日更

令逐州造都帳入遞至所磨勘處投納便委審官院三班院流內銓磨勘
 施行更不會問三司或諸州有批書造帳不如式致有增減並從違制定
 斷其應內外官犯罪斷勅內自今更請添寫一道下審官院三班院流內
 銓照證磨勘亦不更會問刑部大理寺往復為勞從之 十一月六日詔
 京朝官磨勘令審官院今後京朝官並依景德四年七月四日詔書須到
 闕已前轉官及三周年者如到闕未滿三暮者候及四周年亦與磨勘其
 任西川廣南並候及三周年許令在任申發文字赴審官院磨勘 八年
 五月六日詔審官院廣南東西川見任京朝官今後如歲滿合該磨勘文
 字已到不以在任得替並具殿最以聞 先是太子中舍知大寧府尹仲
 宣自陳改官自去秋已滿三年雖資代闕上有司于今不報如此則遠方
 官吏候代乃得考校常引歲月與詔限不相應因下此制 八月六日審
 官院言準去年十一月六日詔書磨勘京朝官年限參詳多有得替後轉
 官未及三周年却進諸處公文差官勾當在路託故拖延候及三周年方
 始到闕乞磨勘欲請自今京朝官並須得替已前及三周年即得磨勘其
 西川廣南得替在任不曾磨勘到闕及三周年者許與磨勘如到闕未及
 三周年即候次任及三周年日許依例磨勘又自來所差京朝官內除西

川廣南依例以到任月日為始差替外其餘不以遠近並以授勅年月為始近地隔兩月遠地隔一月差人交替其新授官負多是終授勅便赴任是致見任官未滿交割欲望並令候見任官以受差勅年月近地及三周年遠地及三十箇月滿日即得赴任及乞於差勅明言替某人某年某月滿關所貴見在任官至得替轉官未及三周年者免有叙還陳乞其遠地三十箇月得替如在任不曾磨勘者即候到關及三周年許與依例磨勘又得替如在任不曾磨勘者即候到關及三周年許與依例磨勘又得後轉官未及三周年却準諸處公文差遣勾當公事方及年限者並不在磨勘之限又京朝官先因公事并有因依替移及降差遣者自來不以年限無例外任磨勘須候得替到關其間或有朝廷就移任及三兩任者本院自來別無條例欲望自今以移替及降差遣年月為始後來及三周年通計未移降差遣前轉官及五周年者不以到關在任並與磨勘其在外京朝官在任未滿不因公事朝廷非時移替在任不曾磨勘轉官者後來通計及三周年不以到關在任並與磨勘如到關未及三周年即候次任及三周年與依例磨勘並從之十二月十三日審官院言準詔京朝官在任未滿不因公事移替轉官及三周年不以到關並與磨勘欲乞應是

因人陳乞部內有妨礙替移差遣依勅磨勘如是因陳乞或奏舉陞陟非
 次擢任之人不在通計三年磨勘之限詔除因陳乞移替依奏外餘如前
 詔 十年二月殿中丞同判南安軍沈嘉言昨知福州長溪縣就移今任
 轉官已三年審官以臣元是本院定差從速入近不該磨勘若中移授縱
 自福建移近京亦許磨勘比方未均望申條約詔自今後不以中書審官
 但多移者須自近移遠即三年磨勘 明道二年七月十七日侍御史知
 雜事權同判流內銓李紘言近勅臣僚奏舉幕職州縣官充京朝官今銓
 司勘會如已成資抽束磨勘如未成資即候成資欲乞並許抽束磨勘引
 見詔及六考已上令銓司更不候成資抽束磨勘引見 十月十九日太
 常丞直史館鄭戢言應內外勾當事京朝官乞依舊每三周年一次磨勘
 轉官詔可 景祐元年正月二十三日中書門下言前詔應勾當事京朝
 官轉官及三周年並與磨勘欲令審官院應差移入西川廣南者今後並
 許預先三兩月中發文字候到本院疾速磨勘緣及三周年便與申奏諸
 處因公事移替係降差遣者候轉官及四周年即依例磨勘從之 二月
 九日詔今後諸司副使特轉正使於見任副使額下五次除授磨勘即依
 條例十月九日龍圖閣直學士李若谷言三班使臣臣僚奏舉乞依舊例

引見詔自今後員外郎諸司使已上方得依條奏舉仍七人內須有轉運
提刑一員卽與磨勘 二年五月十九日詔大兩省官以上今後轉官及
四周年遷旋取旨如有殿罰者候及五周年九月二十二日詔內臣不得
授進文字及御前陳乞轉官如入仕三十年已上曾累有勞効經十年不
曾選轉勘會取旨卽藥院勾當轉官及五周年與轉一資如自轉官後來
更在院勾當及三周年不因過犯差替出院者亦與轉一資 二十七日
詔諸司使副至內殿崇班內常侍閣門祗候等今後除依元定年限磨勘
久來體例合該改轉外不得輒進文字并於御前叙述勞績求非次轉官
差遣 十二月十五日流內銓言乞今後如節察判官一任得替改轉進
士與太常寺丞餘人卽中允贊善經兩任已上方轉太傅殿丞兩任判司
簿尉進士諸寺監丞餘人大理評事三任七考已上進士與大理寺丞餘人
諸寺監丞詔今後節察判官轉朝官依奏餘不行 十六日審官院言準
勅內外勾當者京朝官並三年磨勘因公事移替降差遣者四年乞今後
犯賊者五周年磨勘從之 三年三月二十七日審官院言諸路提點刑
獄得替磨勘緣先來並差官置司詔只令審官院依例磨勘 四年九月
二十二日益州路提點刑獄樊守忠言伏見審官移入川廣京朝官該磨

勅者許先三兩月中發文字今後見任川廣諸司使副三班使臣乞如京
朝官例從之五年八月二十五日審官院言京朝官該三年磨勘內有歷
任犯賊私情重者未有條貫乞今後別立貼黃述所犯情理送中書省取
旨或未改轉或添年限認分即取出取旨不送中書 寶元二年六月十
日一日臣僚上言欲乞應奏舉官並須六考以上方許銓司磨勘引見內
有曾犯私罪者量加一考詔除今月已前舉主人數已足者依舊外餘如
所請 十月十二日審官院言欲乞奏磨子弟改官及五年勾當事及
一年在任為磨勘課利一分以下并公罪杖以下並候勾當事三周年磨
勘其磨課利一分以上私罪不計輕重公罪至徒並勾當事三周年磨勘
從之 康定元年九月二十四日權同判吏部流內銓吳育言銓司舉官
條制內有曾犯賊私罪不許奏舉今請應選人曾犯賊私罪除情理重者
無復在官若所犯稍輕叙用後經兩任別無私罪顯有材能者並許奏舉
磨勘此類流外選人候補班行其選人歷任內有踰濫罪名者更不引見
詔令內外制臣僚與判銓官同共定奪以聞遂請選人曾犯賊罪只是受
湯藥酒食米茹之類身非監臨計贓不滿匹買賣剝利非疆市者杖六十
以下罪後來兩任不曾有過私罪者舉主十人許與磨勘曾犯踰濫若只

因宴飲伎樂祇應偶有踰濫須經十年已上後來不曾更犯罪並與引見從之慶曆三年七月陝西宣撫使韓琦范仲淹言陝西河東沿邊州軍及城寨主兵武臣例皆五年磨勘既與內地勞逸不均故多不願就磨勘任以此將佐而下常患乏人况戰守之地責其死節苟循常規將何以勸望令陝西河東沿邊州軍及城寨主兵武臣在任滿三年者並特轉一資如經改官而舉留再任者滿日更與轉一資並不隔磨勘從之十月詔曰唐虞稽古建官惟百能哲而惠克明俊德然猶三載考績三考黜陟幽明周制太宰之職歲受百官府之會以詔王廢置三載則大計群吏之治而誅賞之故考課之法舊矣祥符之際治政昇平凡下詔條主于寬大考最則有限年之制入官則有循資之格及比事遷回緣多故數拔官簿審閱朝行思得應務之才知虧素養之道然非褒沮善惡則不激勵非甄別流品則不憤發特頒程式以懲官成自今兩地臣僚非有勲德善狀即不得非時進秩或非次罷免者仍不以轉官帶職為例兩省已上自來四年一轉官今並具履歷取旨京朝官磨勘年限內私罪人并歷任內曾犯賊先具元犯入已不入已情理重輕并今磨勘年限內有無勞績及舉主人數主判臣僚奏取旨若磨勘後再及三年內賊私罪杖以下經一次取旨徒以

上經兩次如能自新於年限內別有勞績及有同罪舉主三人又無私過者更不取旨其到審官院人于元指射路分內受差遣及未到院以前并受差遣以後待闕及得替赴任公程月日並許通計磨勘如於元指射令入路分有闕不就則將守候差遣半年及得替赴任公程外住滯數日並不得理入磨勘之限其京朝官上章陳乞并于中書審官院求就京差遣者並五年磨勘如因省府等處保舉及用條選差在京京勾當者勿拘此制即不得舉選見任兩地并兩省臺諫官有服紀之親凡有善政異績或勸農桑獲美利或差鞠刑獄累雪冤枉或在京監當庫務能革大弊因而省費錢物萬數多者量事跡大小不隔磨勘或陞差遣其選人未該磨勘而有上項勞績者亦與比類陞擢若朝官轉貢外郎須自陞陞朝官後有安撫轉運使提點刑獄或清望官佐人同罪保舉并三周年內無私罪者方得磨勘貢外郎轉郎中郎中轉少卿亦如是之其舉主不足者增二年少卿監轉大卿監并轉諫議大夫並取聖選度曆四年正月詔審官三班院流內銓磨勘轉官如批降指揮後有合奏請事令主判官別取旨先是判銓王質言伏見先朝審官院三班院流內銓引見磨勘差遣人並臨時取旨自天聖垂簾之後皆前一日進入文字內中批定指揮其間雖有功過

有司不敢復有所陳。今請如先朝故事，更不預進文字，並于引見日面與處分。故下是詔。二月十四日，詔審官院自今磨勘發運轉運提刑朝臣更不限舉主人數。只據在任勞績取旨。六月五日，詔審官院應京朝官內外差遣合磨勘者，自近降勅到院日前轉官及一周年者，且依舊制年限磨勘一次。其餘改更今後且依新制應守候差遣者，每月一度請問合入路分內有闕不就及半年則將守候差遣半年外月日不理入磨勘之限，得替赴任有押水路綱運并附綱到闕者，今在京排岸司點檢本綱行程磨勘且在路計若干程內阻滯月日，類有因依者，批入本官到任磨勘。其陸路驛程并水路乘私下舟船元無行程文曆者，有阻滯月日因依者，限降指揮到日即隨處州縣各出給公據候至磨勘日仰審官院點檢阻滯月日，類有因依文據者，並許理入磨勘。若以私故住滯日限遠地累及一月已上近地累及半月已上者，並不理入磨勘之限。朝旨給假者除往來公程并元給假日外，月日不得理入磨勘。其元無日限者除程外以一月為限。如限外日數更不理入磨勘。如在任所類有事故請假者，即許理入磨勘。十一月，審官院言三司判官開封府推判官大章閣待制及官職嘗任提點刑獄各係清要資序，請自今磨勘改官更不限舉主人數從之。

五年正月二十六日詔今後應諸處官負因被彈奏雖不曾取勘責罰
但有因依非貽改移差違者並四周年磨勘六年五月八日樞密院中
丞張方平言切見中書樞密院近歲除官多預批旨候半年或一二年與
官或改職且遷除條例率有常制其顯著勞効理應甄賞雖謂之非次誰
曰不然若事出僥倖因緣姑息稍賄歲月曷塞群言譬之賈人交易于市
作為契券立期待賞非惟上虧治體實亦下乖公道乞下中書樞密院今
後有當轉改者勘會如格即行轉改更不如此先批旨若文武官攀引前
例妄有干請乞明行降責示人正範從之八月七日同提點利州路刑
獄公事柳涉言武臣乞依京朝官日限磨勘於十日內會問奏上詔樞密
院三班院將元定限日各減三日中奏皇祐元年二月十一日樞密院
臺推直官劉異言乞今後磨補京官初任勾當除有妨礙替移外須候二
年已上成任者方得通理三年磨勘如未成任者不得通理詔令審官
院定奪聞奏三年十二月二十四日詔文武官七十已上未致仕者不
許磨勘或于國有功於民有惠理當旌賞不在此限四年九月詔文武
官磨勘私罪杖以下增一年徒以上二年雖犯杖而情重者奏聽裁賊罪
杖以下增二年徒以上三年五年五月四日審官院言檢會將作監主

薄任逸皇祐二年九月明堂覃恩以當年十月賜同進士出身有詔依無
出身人例轉官今太常寺太祝鄭民彝今年四年賜同進士出身非三月
內合該磨勘係未賜出身前已三周年詔民彝依進士出身人例轉官
嘉祐二年五月二十七日詔曰能以禮讓為國乎何有大禮之本非
朝廷安出讓之節非臣工曷先必在正其名處以廷直上既與人者周下
之待已也重然則深競曷由而起庶耻安得不明深惟行義之首是為風
化之端凡我在公共齊庶俗稽于鈞考之法益隆獎勵之方開寶詔書再
察手殿最詳符恩旨均限以歲日懋功加惠不既優乎時則有司布下便
文自營乃使人為請已陳治迹頓然于進恬不為非間有冲默之士羞言
名利是使滯淹之累獨賢達事戾若此賞勸何觀矧受爵弗辭古人之所
戒循牆因避前載可師朕嘉與庶官共循彛訓養育之道廣裕以開銜媒
之譏被除之始發揮朝美表正人上則我祖考之謨烈其永無疆之休今
後京朝官磨勘更不令本官投下文字宜令審官院舉行武官合該磨勘
者亦依此指揮令樞密院施行播告多士宜體至懷九月審官院言準詔
今後京朝官磨勘更不令投下文字令審官院舉行本院為不見得授官
月日尋下諸處取出歷任轉官實日家狀候到置簿抄上以憑檢舉磨勘

次尚慮諸司住滯會問文字欲乞承領本院公牒限兩日內回報違限三日以上許令本院舉行住滯人吏並科違制之罪從之 三年十二月十三日詔吏部流內銓自今選人磨勘毋得叙勞績或先次截甲引見若勞績重於改京朝官朝廷自賞擢之四年九月十五日審官院言應京朝官磨勘在京者例須引見今冬及來春京朝官磨勘年限俱滿乞依外任人例更不引見從之 初明堂覃恩內外官同時改轉自是每及三年則同時歲滿故也五年六月二十二日詔今後京朝官須年及格方得依條磨勘陳乞差違并選人乞注官如年未及格不得施行時監簿王厚年未及格從父素養掌機宜三年為歷任乞磨勘故下是詔六年十月詔磨勘選人歷任內曾失入死罪未決者俟再任舉主應格聽引見其已決者三次乃許之若失三人以上者雖得旨改官仍與次等京朝官 英宗治平二年四月二十一日詔曰天下之治在於得人人之賢愚繫乎所舉舉而失當猥濫至多今吏部磨勘選人待次者二百五十餘人須二年方克引對留滯之弊至于失期且歲限定資本防其濫而舉者不問能否一切取足以聞徒有塞詔之名且非薦賢之體以致奔競得售而實才者見遺請託得行而恬守者被弃蓋其毀譽之是徇殊非淑慝之能明章交公車充數

而已以是濟治其可得乎宜令中外臣僚合舉選人者務在得人不必滿
所限之數所貴材品辨別士路澄清惟爾輔臣深體朕意 三年二月十
九日翰林學士承旨張方平等言准中書送下臣僚上言伏見審官院京
朝官以上磨勘轉官者舉一歲中約有千數其因職任陞擢者尚不與焉
按國朝會要真宗皇帝朝因諫官孫何等上疏遂罷郊祀序進之制即令
有司考其殿最臨軒引對親加陞黜人令審官院考較京朝今任五年
以上磨勘無賊私罪即以名聞當議遷秩人令在京臣僚已經三年磨勘
改轉候依舊勾當直至得替後更及三年再令磨勘當將條制雖前後不
同然大抵不限定三年亦不以在任得替一例磨勘自今寺監主簿以上
率三歲一遷在外任者不俟替歸居官職者亦無候替別限年磨勘之制
至有待闕于家動踰歲時居無職事祿廩不絕苟及三年則又磨勘臣謂
考課之弊無甚于今而亦無逮於今也乞朝廷檢詳舊制以見今内外京
朝官及兩制以上磨勘之法別立中制雖未盡如虞舜三考陞黜之典而
且復祖宗之制亦庶幾抑僥倖之弊矣望賜別委近臣檢詳典故裁定施
行詔令兩制詳定之間續降下權御史中丞彭思永言乞今後前行正郎
該磨勘依轉大卿監例候四周年及自歷正郎後須得舉主五人內有本

路提轉及大兩省三人方與改轉少卿監同知諫院傳卞言欲乞今後京
朝官至負外郎且依舊年限磨勘外其前行負外郎入三郎及正郎磨勘
並限四年至前行郎中更不許磨勘行制以上並乞五周年磨勘至諫議
大夫更不許磨勘殿中侍御史吳中言欲乞從今裁節如有前行郎中令
轉少卿監者且令權住先立定負數候有關即以遷授仍以歷任年課無
贓私罪或曾歷職司差遣不經責降或前後歷官可稱及素有文行者先
次遷轉前行負外郎合轉郎中及博士合轉負外郎者亦且權住先立定
負候有關即以次遷補監察御史劉庠言欲乞少卿監合磨勘大卿監者
如年已及七十以上更不許磨勘監察御史將之奇言切見兩制以上皆
四年轉兩資比京朝官皆是二年一轉欲乞兩制亦依京朝官例五年磨
勘轉一官至前行郎中後乃更添左則郎中一轉臣等檢詳祖宗朝中外
官不立遷轉條限大中祥符八年始降詔京朝官並以周年令密官院磨
勘引對與轉官是時仕路猶清官負數少厥後及今五十餘年約祥符初
略計什倍以故負多闕少坐糜祿俸才否無辨差遣不行考課之法難復
施用官制之弊無甚于此今詳定且欲自京朝以上磨勘一例各展一年
陞朝官至後行郎中更不磨勘其才望勞績或因繁難任使即

權蓋登仕陞朝恩官至正郎奏應子孫稍奉法循理自應至州郡長吏以
此處常調固為優厚其待制已上已處顯近請遵祖宗故事更不磨勘若
因事功寄任上自聖衷推恩遷改因見資品已高各換所居官止自餘餘
例一切仍舊其見仕卿監不曾歷職司差遣只自常參官累遷者並送審
官院一例差遣其以老或疾陳乞留臺宮觀監當者更不磨勘如此則操
柄歸于君上勸沮行于朝廷人材有所甄別重難煩劇之地可以用人事
体均平簡易守比於祖宗之制猶為優幸詔曰朕惟制官之本必始於官
設官之方其亦有擇國家承累聖之祚濟時丕平而假省寺之官出釐庶
務復詔以三紀俾之一遷歲月既深吏貪猥積雖海宇至廣工師寔繁以
官率人倍者數矣肆我臺閣數陳其故茲用博議密求減謀而封章亟來
請從更制朕嘉與卿士圖惟厥中庶幾流弊由此其息一待制以上今後
並自轉官後及六同年令中機會取旨如無過犯與改轉有過犯者依舊
條展年至諫議大夫止京朝官並四年與磨勘至前行郎中更不磨勘仍
以少卿監七十員為定員如定員內有闕即檢會前行郎中內揀及四周
年以上月日最深者遞補其有過犯合展年及有勞績得減年磨勘者並
依舊制少卿監以上更不檢會取旨轉官如此別有勞績或因要重任使

特旨推恩者即不在此限。意公誠之心期共濟于道。登革之始無或蔽爾私。況上自於要官。俾一從于新令。凡曰在位成休。朕懷五月六日。樞密院言嘉祐三年詔非軍職當罷。橫行歲滿當遷。及有戰功殊績。皆不得除正任。正任當遷。則改州名。或加檢校官。勲封食邑。自降詔以來。正任刺史以上絕遷進之望。今欲自知藩要知郡。或路分總管任使。勘會及十歲再經改州名。或加檢校官。勲封食邑。則與改官至節度觀察使留後止。又嘉祐三年詔客省引進四方館各置使一員。東西上閣門共置使四員。閣門引進客省共置副使六員。閣門通事舍人八員。閣門使須有關。乃補今欲增置引進四方館各使一員。閣門共使二員。閣門引進客省共副使二員。通使舍人二員。所增置員須見仕官當遷。及有闕乃補。諸司副使兼閣門通事舍人。如在閣門供職。轉七資不供職。即轉五資。入慶曆四年皇城使李經忠乞磨勘。以經忠為遠郡刺史。而舊制皇城使不轉閣門。昭宣使絕其磨勘。則無敘進之望。遂除遠郡。則壞法入舊制。諸司副使當改官者降五資。除使則是一日而遷十五資。今欲皇城使改官及七歲。如曾任遠有本路安撫轉運使總管五人以上。舉則與除遠郡刺史至遠郡防禦使止。諸司副使因差使及有勞遷使如舊制止。因磨勘即不得過五資。有戰功

及殊績者不限又舊制兩省都知押班及帶御器械內臣合磨勘者臨時用例取旨今欲如舊制詔自今皇城宮苑使副當磨勘者各於本班使額自下升五資改諸司使其自左藏庫副使以上因酬獎及非次改官者如舊制余皆如所奏初帝謂執政曰諸司副使當從供備庫使始今對行降五資太優于是合議條奏而為此制十八日樞密院言自今知州軍選歷任無賊私罪者私罪杖以下及公罪體量衝替降差遣候經四任親民賊私罪徒以上而嘗立戰功酬獎轉官者亦候經四任親民臨時取旨知州軍路分都監鈐轄等如有負關即與正差不得陳乞理為資序從之三年五月十一日知制誥同判流內銓蔡抗言伏見係磨勘奏舉候次引對選人二百五十餘人一歲所引不過百人計須二年半方可引絕檢會編勅在朝文目知雜御史以上武臣觀察使以上各許舉外仕選人充前安撫發運轉運使副提點刑獄知州軍通判各舉轄下選人充京官縣令今將南曹逐年舉狀約一千九百員被舉者既多故磨勘者益衆朝廷雖於引對之際限以班次然內外舉官之數未嘗略有裁損本源未窒徒知其流故待次選人日月滋引且今天下吏有限每一官之闕初授已替并見任者率有三人故使除授益艱能否共滯若不稍為更改恐久不勝

其弊焉欲乞權罷在朝文臣知雜御史以上武臣觀察使以上每年所舉
京官其在外安撫使以下至通判逐年所舉京官縣令各量本處在任吏
員多少於舊數十分內量減三五分候員少即依舊臣伏思朝廷更張法
制太甚之弊蓋有材者不患見遺使倖倖者則所不欲况今求只是減損臣
僚所舉人數即不得增添選人考第舉主在人情亦無所歛望乞委近臣
參酌施行詔在京文臣知雜御史以上武臣觀察使以上每歲許舉幕職
州縣官充京朝官二人今後並罷 治平四年二月十一日神宗即位未
改元樞密院言寄班祇候及十年合落職者如曾犯公罪徒以上及私罪
杖情理重者不還資公罪杖於磨勘年限內減三年私罪情理輕者減半
請依舊例從之 三月詔臣僚將孫作男奏授官後因陳首降資改正所
有磨勘與通理自磨勘來年月外更展二年九月十三日刑部郎中
黃侍御史知雜事劉述以久不磨勘特命為吏部郎中 神宗熙寧元年
五月詔審官西院大使臣因酬獎得減年磨勘者已過合減年限許陳乞
後次收使者聽若無陳乞即行磨勘減外殘零年月不復收使 二年二
月十三日樞密院言河北轉運司言左藏庫副使知安肅軍陳昉久不磨
勘勞効恬靜難進乞與陞擢上曰右職若効朝士養名特加獎進則今後

競習情安以為高尚非便也俟其依格自陳即與施行 十四日權河北
轉運副使兵部直外郎張問以十年不磨勘命為禮部郎中 八月八日
御史中丞呂公著言伏見英宗朝文臣磨勘轉官例展一年至少卿監以
上更不磨勘遷轉其武臣橫行以上舊例四年一轉使臣五年一轉初出
官三年便轉當時並不曾比類施行又仁宗朝嘗著令正任防團以上非
有邊功不得轉遷後來衝改但及十年以來曾歷外任即許遷轉亦不曾
與少卿監以上比類施行詔大使臣至正任及橫行改轉年限令兩制詳
定以聞 十二月宿官院言國子監博士蘇充合該磨勘勘會充是同知
院蘇頌弟嘉祐編敕知院臣僚有親戚者其差遣磨勘並牒同知院官施
行俱是親戚即其中中書施行詔更不回迴宿官院流內銓今後應差注
升遷本司官親戚合回迴者無官可將送並依此施行 三年六月二十
五日宿官西院言在院磨勘差遣人未審依與不依宿官東院例引見詔
今後磨勘大使臣依例引見更不告謝 十二月二十九日知太宗正丞
事李德裕言近據宗弟等狀奏各稱自嘉祐五年十二月內磨勘轉官至
今年十二月已周一十年合依詔條磨勘轉官檢會先準至和二年八月
詔先朝舊制皇族在班及十八年者具名取旨今宜令中書樞密院勘會

皇族自明堂覃恩普轉及十年者特其名取旨當議依天禧元年二月宗正寺所定房院次第各與遷轉所有近因特恩改轉者即須候及十年別具取旨今來宗弟等稱依得詔條磨勘轉官看詳前項詔書出於一時特旨即無今後指揮自嘉祐五年至今雖及十年又緣其間兩經覃恩普轉官資自覃後至今方及四年乞下中書看詳詔書明降指揮詔自治平四年覃恩普轉後及十周年者特其名取旨近因特恩改轉者即須候特轉及十周年取旨四年二月二日詔遷任使臣任滿合該減年磨勘者不因公事非次減罷如在任及二年已上內合減三年磨勘者減二年合減二年者減一年仍並免短使先次指射差遣十七日詔應在京京朝官大使臣依條合該磨勘者令密官東西院並依外任官例其歷任功過取旨在京者更不引見應有將轉官或減二年已上磨勘酬獎願換堂除差遣並聽流內銓奏舉選人合該磨勘者內有過犯人即中中書無過犯人並一面磨勘引見其應有勞績雖該磨勘候改官日並與比類元條酬獎十八日中書檢正公事所言近據宗弟等奏各稱自嘉祐五年十二月內磨勘官後至今已足十年依得詔條磨勘轉官檢會至和二年八月二十七日詔書自覃恩或特轉後及十年者特其名取旨各與遷轉即無今

後指揮近詔自治平四年覃恩普轉後及十周年特具名取旨與前降詔
敕指揮一般緣並係特恩即非定制今來據宗弟等攀引克繼體例及稱
治平四年正月敕書節文文武職官並與轉官合磨勘者仍不隔磨勘者
詳上項敕書稱合磨勘者不隔磨勘緣宗室即無立定磨勘年限其昨降
敕文稱祖宗元係磨勘至觀察使止緣自有十年取旨指揮以來宗室合
轉官者即亦須磨勘前來授官年月及有無過犯即合展年故亦謂之磨
勘即與外官立定磨勘年限事體不同其克繼昨來轉官顯是有司誤有
行遣緣克繼已得旨與減五年轉官年限若依近降指揮即須更候一年
方合改官今來合與違奪繫自朝廷指揮所引令誤轉官告詞內稱宗室
以十載為定緣元降指揮自無今後指揮宜得攀引告詞為據欲乞下大
宗正司告示依前降指揮詔克繼去轉官日限只少一年更不追奪餘依
所定 十年十一月十四日詔今後三司諸寺監銓院開封界提點兵部
等處丞簿勾當公事如該取旨磨勘並擬進施行 元豐元年七月二十
五日詔自今諸酬獎第等京朝官大小使臣轉一官選人判司主簿尉五
考初等職官知令錄四考兩使職官令錄三考支學防國節判察官并因
軍功捕盜不限考第並轉合入京朝官不及以上資考者循兩資第二等

減磨勘三年選人循一資與堂除差遣一資軍功捕資轉次等合入京朝
官第三等減磨勘二年選人循一資第四等免遠短使免試無可免者各
與陞一年名次第五等各陞半年該兩次已上酬獎者與併賞併陞願留
後任使使者聽三年九月十六日詳定官制所言開府儀同三司至通議
大夫以上無磨勘法太中大夫至承務郎應磨勘待制以上六年遷兩官
至太中大夫止承務郎以上四年遷一官至朝議大夫止候朝議大夫有
闕次補其朝議大夫以七十員為額選人磨勘並依尚書吏部法遷京朝
官者依今新定官其祿令並以職事官俸賜祿料舊數與今新定官請給
對擬定從之 十二月六日應詔遷官除授者並即寄祿官除大兩省待
制以上至太中大夫餘官至朝議大夫並通磨勘進士八年餘十年一遷
所理年月自降指揮日為始自官制行以舊少卿監為朝議大夫諸卿監
為中散大夫祕書監為中大夫故事兩制以上轉官至前行郎中即超轉
諫議大夫前行郎中於階官為朝議大夫諫議大夫於階官為太中大夫
而兩制磨勘者舊不轉卿監即於今制不當轉此三階又舊制朝議大夫
止以七十員為額餘官轉至朝議大夫即須候有闕方許次補至是因有
司申明乃降是詔其大兩省待制以上自通直郎至太中大夫磨勘理三

年承務郎以至朝請大夫理四年自如舊制 五年
十月二十七日吏部言待制以上舊法六年遷官今
准新制三年一遷其已滿三年磨勘外有剩年月者
乞許通理磨勘從之 十一月三日給事中陸佃言
續吏部所上鈔內朝請郎提舉玉隆觀吳審禮擬遷
朝奉大夫緣審禮以老疾乞宮觀法不當遷詔寢之
六年閏六月二日詔中書尚書省外取使臣等勿著正
官寄理磨勘資任遷補七年三月十三日監察御史
朱京降監與國軍監酒務初京言朝請郎董揚休前
任沂州衝替法常與宮觀展磨勘一年考宮言陳乞
宮觀留臺不許磨勘揚休雖非陳乞未有此例御史

臺定當依本法與磨勘而報者不行朝議大夫致仕宋
彥緣事故差任宮觀大畧與揚休相類中書擬與磨
勘臣竊意大臣進擬有愛憎之私別望定奏改正中書
門下言京所奏與事實不同詔京具析而京果言不
實故責之 七月十三日詔官員因公事上簿者再
上簿展磨勘一季會恩免者以二當一 八年二月
二十三日門下省言中書錄黃前淮南節度推官呂
公憲等狀各磨勘當改官乞下吏部先引驗吏部已
引驗四人奏已降出正月奏引見及未引驗八人見
磨勘十九人詔轉官人依例除官餘候會問無違礙
依甲次先引驗訖聽旨其引念後舉主有事故並不

礙引見候御殿依舊 哲宗元祐元年六月十六日
右正言王覲言近制通議大夫已上皆通行磨勘故
自推行官制以來或以推恩或以磨勘而轉一官比
舊有實轉兩官以至三四官者非所以愛惜名器也
請自今官至太中大夫以上毋以磨勘轉官詔文臣
磨勘待制太中大夫已上至通議大夫止餘官至中
散大夫止其中散大夫已上以勞績酬獎合轉官者
許回授子孫特旨陞遷不拘此制 八月一日刑部
言大理卿王季先奏吏部考功因京朝官選人大小
使臣磨勘并閑陞或注授差遣會問本官有無過犯
公案在寺如係笞杖已該恩或去官及覺舉自首原

免者欲乞並不作公案在寺回報令吏部且與依例
差注磨勘後有特旨即從改正從之 二年二月十
六日詔吏部選人改官每歲以百人為額從侍郎孫
覺請也 四月二十六日三省言外庭臣僚至節度
使即無磨勘改轉之法宗室節度使自立磨勘法後
來亦有改轉體例詔宗室官至節度使更不磨勘候
實及十周年具名取旨 八月四日詔復進納人四
任十考改官舊法仍增舉者二人 二年三月十九
日龍圖閣直學士左朝議大夫知鄭州王克臣為太
中大夫以克臣訴理隔磨勘十有八年故特遷也
六月八日詔保甲補借差以上者初該磨勘有本轄

官二負同罪奏舉陞陟聽如常法磨勘即無舉主不足犯賊若私罪徒即展二年應別格令展者並累展其元豐元年以後補授人雖經磨勘改轉內歷一任元無舉主或不足者將來磨勘亦如之 八月二日詔吏部磨勘選人遇宗政殿坐聽以次引見訖赴內東門謝初垂簾日乃謝慮或滯留故有是詔 閏十月二月八日詔小使臣磨勘轉崇班除賞功特恩外歲不得過八十人四年五月二十五日尚書省言保甲出身補借差以上初即磨勘已降指揮用舉主或無即展二年磨勘如已曾經磨勘改轉準此其補授殿侍或軍大將之類即未有該說詔候至借差以上該

磨勘日並依借差初該法 六年四月二日三省言
吏部奏供備庫副使趙思復乞以磨勘轉西京左藏
庫副使一官回授男三班差使希元轉借職詔思復
為是趙普之後特許回授餘人毋得引例其後監察
御史安鼎言思復乞將磨勘回授希元固已違法朝
旨未下思復丁憂則又未嘗授官其兄思齊復陳趙
普勲勞以申前請朝廷遂從之借職雖輕賞命為重
乞行改正吏部按趙希元係元祐元年八月以差使
參選合至六年八月磨勘轉借職詔趙思復不許回
授其希元已授借職特免追改仍自今年八月後起
理磨勘年限 六月二十七日吏部言犯私罪徒或

姦賊及失人死罪磨勘改官後事發並申改正餘犯
準幕職州縣官所展考任法磨勘情重者奏裁犯罪
改官後事發於法合改正已經轉官者免改正其私
罪徒及姦賊更不在磨勘之限失人死罪展年磨勘
情重者奏裁從之紹聖元年閏四月八日詔引見磨
勘改官人權依元豐令五日引一甲每甲引三人每
年不得過一百四十人俟得次不及百人取旨十
二月三日戶部尚書蔡京等言看詳役法文字張行
歷任已成七考有改官舉主二人合磨勘改官緣在
京別無舉選人改官臣僚望依張元方例以臣等為
舉主與磨勘改官依舊在任從之 二年三月二十

二日戶部言應沿路毀失宣告許理元入遞除程外
理磨勘即支破所改官請給從之 四月四日吏部
請借差押綱使臣合得酬獎外增減磨勘年指射差
遣升名次恩例以激勸之詔可 九月二日詳定重
修敕令所言諸軍功補授因病在假落籍應叙者未
落籍已前年月其磨勘聽通理從之 七月三省言
按元豐六年九月詔應文武官係七年係七年以上
及取旨并不磨勘者隨赦加恩餘但遇給告即加從
之 三年四月七日詔宣慶使階州防禦使內侍省
內侍押班李祥昭宣使榮州團練使內侍省內侍押
班權主管入內內侍省押班公事馮世寧宣政使瀛

州防禦使內侍省內侍押班宋用臣依例自授押班
日與理磨勘自今內臣橫行初除兩省押班以上如
之內臣昭宣使以上無磨勘法唯押班以上例皆取
旨自除理五年磨勘故因祥等著為定法 六月三
日考貢外郎何友直言承務郎以上及選人大小使
臣磨勘請依元豐三年八月三班院中請約束指揮
從之 元豐三年指揮檢未獲九月十四日起居郎
兼權給事中蹇序辰言中書省送到姚勔磨勘轉承
議郎錄黃按勔外雖寬夷中實險賊本緣身犯清議
勢不可進遂即棄官至元祐中呂大防等當路反以
勔不仕前日為高躁處顯要而勔愈不知耻一意附

會專以詆訛先帝政事人物為功豈容使之與有勞
無過之以歲月序進詔勅永不磨勘元符元年五
月二十四日吏部侍郎徐鐸言傳坦之乞磨勘改官
緣坦之係堯俞親子本部未敢便依常格引見磨勘
詔傳坦之展一任如將來任滿合該磨勘改官仍降
次等徽宗建中靖國元年十月十九日詔侍從官
落職充宮觀許作舉主收使以吏部言前晉寧軍錄
事參軍張基知威勝軍綿上縣許有功乞依郭知章
收使舉主鞠真卿例收使舉主孫覽勘會孫覽已復
舊職因陳宮觀係理知州資序詔特許收使仍有是
命崇寧三年九月二十七日吏部尚書何執中奏

伏見考功條貫諸以老或疾乞官觀若嶽廟及留臺
國子監者不在磨勘之限自來陳乞之人少有知得
上條其間巧於計會者雖寔有老疾於狀詞止叙年
勞履歷或曾建利害或稱婚嫁所迫故於磨勘無所
礙有不預知之人唯是急於得請徃徃便以老疾為
言洎至磨勘有司始執文沮格不以有無老疾實狀
例不許磨勘蓋緣上條藏之有司非外人所得知今
欲乞申明對修海行貴使天下通知不惟簡便行遣
兼吏曹亦不得緣而為姦詔依奏 大觀元年十一
月十一日吏部狀勘會宗祀太禮教文內官員有不
因賊罪過犯合展年季磨勘者即未有恩旨其非因

賊罪展年磨勘比之除名追停而得叙復之類事體
稍輕所有不因賊罪添展年季即未有免展之文詔
私罪情輕并公罪添展磨勘人並與免展致和三
年七月二十八日尚書省言修立列諸承直郎至登
仕郎六考將仕郎七考有改官舉主內職司一貢與
磨勘公罪兩犯杖兩犯答比犯杖或一犯徒以上或
私罪答止加一考私罪杖加二考私罪徒以上加三
考仍添舉主二貢或職司一貢如權官者依本資條
從之八月十三日尚書省檢會進武副尉臧守元
狀先蒙內弓箭南庫申尚書都官乞磨勘未了當遂
經刑等處乞行催促亦不見結絕其都官却將守元

先充舊格軍將已經官司保明磨勘印紙內事件再行迂往取會拖延一年有餘並不關報吏部照今後副尉授下磨勘並免通覆點磨已經磨勘月日其合磨勘月日如致有差悞隱漏失當人吏並科放一百仍不~~以~~以赦降首失原減其減守元許依比先次磨勘九月十八日臣僚上言契勘奉直朝議大夫於法以七十負為額所以嚴名器限資品也然舊制理年磨勘與以恩特轉者通計負數自朝廷興事造業以來勸勞賞功特轉者稍多見今係班簿者總七十七負內磨勘轉授者總二十負而任朝請大夫滿七年合磨勘以無闕著籍待次於吏部者已積三十一

負其間滿七年踰數歲者頗衆用功賞減年至有逾
十數年未磨勘者以恩特轉者相繼入額苟不措置
則積累資考之人卒未有轉授之期實妨平進之路
乞法施行詔朝議奉直大夫更不立額四年十一月
十五日吏部奏顯謨閣直學士中奉大夫提舉亳州
明道宮胡師文乞磨勘在法年七十或老疾陳乞宮
觀嶽廟留臺國子監之類不許磨勘師文前知泰州
以地卑濕足疾乞宮觀與法稍異詔師文特許磨勘
自今太中大夫以上不用此令 六年五月四日詔
今後承務郎若降一官並展二年磨勘不降充選人
七年十二月二十七日臣僚言近見選改官約三

千七十有奇是吏員浸多之本也嘗考吏磨勘依舊
法外有任^以諸局減考第而改者有以任川遠減舉官
而改者有因酬賞比類而改者有託因事到闕而改
者有雖刑寺違礙先次而改者用例既廣僥求實繁
積之歲時殆將復倍伏望照三省詳加考議並行措
置其於吏部舊有本條者一切遵守不得用例稍清
冗流以抑僥冒詔除川廣水土惡弱去處減舉官外
餘並依元豐法案寧四年指揮更不施行其書局就
任改官人須候任滿方許替罷宣和二年七月三
十日詔文武官磨勘選人改官具有成法近歲尚書
省批狀令吏部先次與改官與磨勘之類并諸路選

人許就任改官者頗多皆有違尋憲自今磨勘及改
官可並遵依條法應許就任改官元豐法所不載者
更不施行仰三省常切遵守 九月四日吏部言常
州申顯謨閣待制提舉杭州洞霄宮蔣靜乞磨勘本
官見年七十一歲當官東院敕年七十或老疾陳乞
宮觀嶽廟留臺國子監之類更不許磨勘詔依元豐
法 二年二月二十八日敕書應干展年磨勘除犯
賊罪外並與免展 四年五月十四日吏部奏王純
係無出身宣和三年二月授奉直大夫十月除直龍
圖閣用年勞合該磨勘轉一官本部契勘有出身任
奉直大夫因賜出身或除職後該磨勘即無立定格

法其王純元係奏座出身近除職合依有出身人磨
勘緣本官見係奉直大夫致仕本部未敢比附與轉
中奉大夫詔與轉中奉大夫十二月二十五日吏部
言奉直朝議大夫舊制七十人為額若依久例特
恩轉行人充數即積累年勞之人有妨磨勘磨勘
并特恩共以八十人為額政和三年九月十八日詔
不立額據此申請則是後復限負今乞添額所有初
復限負年月檢未獲 七年四月八日中書省尚書
省言從政郎充皇后宅小學教授張宗奭奏契勘先
降聖旨添給人從並比附元豐諸王府記室講書例
所有改官未曾立法竊緣臣在本宅供職成四考別

無所隸官司及都下選人職任無薦舉改官伏望下
本宅保明許依見任太學博士條考第改合入官詔
依太學正錄條改官 五月十二日吏部奏檢會去
年七月二十九日敕勘會承務郎以上及大小使臣
已投下磨勘於年六十九已前因官司行遣會未到
及遞中失墜等致年七十者並合除豁留滯迂枉失
墜月日詔申明行下 七月六日臣僚上言選人磨
勘改官法雖不一其資任歲月悉有定格祕書省法
列任一年通及四考書局法列任一年通及五考皆
許磨勘所以優天下文學之士也伏見新授宣教郎
王闡歷任通及五考官止於二貢初任編修道史局

檢閱官四考有餘次任祕書省正字兼補完校正御
前文籍不數月而被黜闌輒具劄目援邊知章舊例
乞通理兼局日月有司以舊例可用兼局為可通理
遂得改前件官邊知章自敕局移會要局未嘗隔絕
朝廷所以許其通用到任半年通及三考舊法所以
得改官闌罷道史四年然後除正字到任未及一年
於新法有礙是與知章之例大不相似詔前降改官
指揮更不施行八月二十二日殿前司奏檢承宣和
六年八月十八日敕書數內一項應官負因犯罪特
旨及依吏部專法合該展年磨勘者並特與放免契
勘祇應犯罪依條及特旨亦有合行展年磨勘之人

本司自承上件赦降後來不住據祇應陳乞免展及
乞比附副尉免展指揮施行緣赦文內止為命官犯
罪合該展年方許免展及會到刑部申明指揮應副
尉合展年磨勘除犯賊罪人外奉聖旨免展即不該
載祇應亦與免展之文雖累行告示終不絕詞詔詔
除犯賊罪人外與免展 九月二十四日吏部奏新
提舉京東路常平楊遵奏伏為罷前任河北東路常
平竊慮吏部作非次放罷展兩季磨勘乞免展本部
準今年正月二十日奉御筆手詔應提舉常平官屬
並罷勘會本官前任提舉河北東路常平在任準御
筆手詔指揮罷任於磨勘合依非時改授替罷但有

因依格添展兩季磨勘詔免展更有似此之人依此
十月二十二日詔今後內外官司非實理年勞於
法合該轉官不得輒行陳乞并大禮後陳乞轉官並
更不施行雖奉御筆特旨令中書省將所處分繳進
高宗建炎元年五月一日登極赦應文臣承務郎
以上并內臣醫官伎術官及致仕官並與轉行一官
內文臣中大夫武臣承宣使并回授與本宗有官有
服親武功大夫未帶遙郡人與轉行遙郡一官已帶
遙郡防禦使人與轉行右武大夫選人與循資已係
承直郎與改次等合入官校副尉下班祇應人依格
與轉官資仍並不隔磨勘二年正月六日中書省

言祖宗舊制審官西院敕諸司副使至內殿崇班及內殿承制崇班帶閣門祇候轉官及五周年並與磨勘候轉至皇城使後改官及七周年不許用減年指揮曾歷緣邊任使有本路安撫使總管轉運副使五人以上同罪保舉與磨勘轉選郡刺史以後並理十年磨勘轉選郡團練使轉選郡防禦使止今照元豐尚書右選令諸司使副應轉官者擬五資即磨勘而有戰功謂身經戰罷以功轉官者守城之類非下條準此擬七資至左減使以上並擬城皇使皇城使擬選郡刺史又照宣和七年十月十九日詔今後武臣官未至通侍大夫雖已至通侍大夫而未滿五年並

不除正任及未至武功大夫不除遙郡雖奉御筆特
旨并軍功亦不施行令中書省將所降處分繳進詔
今後遵守十月三日吏部侍郎劉珏等言吏部方置
司討論濫賞之弊內有特賜出身非泛補授或冒濫
爵賞不合參部及蔡京童貫朱勔王黼之家使臣出
身應緣四選合行削奪之人應在闕合磨勘闕陞者
候討論批鑒印紙驗實畢日方行磨勘在外曾承本
部及本州已經討論保明不是追削之人仍錄白出
身應所授文字方許投下磨勘從之十一月二十二
日郊祀赦承直郎以下犯私罪徒贓罪杖得不礙選
舉差注者若有舉主考第比無過犯人例合磨勘者

奏裁自後明堂南郊及紹興十三年九月十三日報
並同此制 三年七月二十六日吏部尚書劉珏言
見該磨勘人如得替值靖康元年以後京城門閉乞
與刻除月日理作磨勘從之 四年六月二十五日
吏部言內侍武功大夫蘇淵該遇淵聖皇帝覃恩依
敕合轉行一官見任武功大夫與遙郡蘇淵該敕日
係武節大夫昨任熙河蘭廓路走馬承授本路殺退
金人推恩許轉兩官於建炎三年內轉授武功大夫
係是敕後合該用兩次覃恩轉武功大夫其殺退金
人兩官依條回授從之十月十二日吏部言契勘非
宰相不除特進金紫光祿大夫王革即不曾任宰相

紹興元年
依磨勘二
奏唐另行
寫

今來覃思轉官詔依條回授十一月十日承議郎楊
持言未換授文資以前任忠翊郎閤門祗候日該遇
淵聖皇帝登極覃思合轉一官乞於見今官上轉行
從之。紹興元年九月十八日明堂赦恩命官犯罪
依今赦合該原免如因結斷未了內令磨勘改官閤
陞差注者並與放行自後明堂郊赦並同此制同日
明堂赦應命官下班祇應副尉因罪特旨及依法合
該展期或展年磨勘降資殿降名次展年參選如罰
短使之類者並特與放免自後明堂郊赦並同此制
二年四月二十五日臣僚言選人用舉主磨勘改
官在吏部法最為嚴密毫釐之差輒遂報罷故凡行

移取會皆有近限然其間或因自身及舉主有公案
在寺雖改赦恩或去官勿論止緣未曾結案難以約
定刑名在法當申朝廷而朝例以為常程報應稽緩
不幸舉主一有差跌終身無改官之望乞應今後選
人用舉主改官吏部不得非理沮難故作申明或於
法令申朝廷並於申狀上寫急速二字本房堂吏限
一日呈稟宰執與決回報庶免妨滯人材從之閏四
月二十八日故承議郎杜結妻孫氏狀夫結在日乞
磨勘轉朝奉郎依條式召保官申信州點對圓備即合
保明申部緣知州李尚行非理沮難致疾身故詔委
本路提刑司將元沮難官吏取勘具因依申尚書省

杜結特與一子下州又學 六月十二日詔吏部檢
會磨勘應干條法及前後所降指揮全文報川陝宣
撫處置使司照會遇有陳乞磨勘令一面照應條法
施行候磨勘訖先給公據照會每月具磨勘過人數
聞奏出給付身告劄 以右司郎中張公濟言遠道
取會有礙陞轉故有是命 十三日照應選人任內
因賞元得旨與改合入官未曾收使後來別賞改官
者與作減二年磨勘指射差遣一次收使 三年四
月十八日權吏部尚書洪擬言應文武官磨勘合自
受告日起理年限所有官司住滯隔過年月依條並
許給還昨來京城園閉月日已詔許作磨勘所有渡

江遷徙程限欲乞並理隔過磨勘月日特與給還從之六月九日吏部侍郎陳與義言建炎三年四月八日敕文遵用嘉祐法自赦降後諸處奏舉選人改官其監司舉改官負額若用嘉祐之數係行增添自合遵依元豐法從之四年四月十八日詔選人前任職司考第依格合該磨勘計用前宰執舉狀與理當職司放行以權吏部郎劉岑等言選人獄祠所任監司職事相干別無薦舉法故也十九日詔選人展磨勘候列部參選日每展一日磨勘對殿一日名次五月十四日權吏部侍郎劉岑等言迪功郎考第不滿若改本等令入官依格改承務郎如與改

次等合入官為無等可降本部未奉行新書以前遵
依元豐二年九月六日詔例不降等止與改承務郎
今來紹興吏部一司法內未有該載欲乞依舊遵用
從之 六月五日吏部尚書胡松年言元豐舊條幕
職州縣但得循資未經收使改官後依條循一資比
減二年兩資比減三年磨勘緣紹興新書却有被賞
二字內官負任選人日該覃恩或恩例循資之人皆
非被賞乞依舊法施行從之 六年七月十日詔應
去失告敕無照驗者其磨勘並依投狀陳理去失日
為始如投狀月日不明即以給公據日為始從吏部
請也 七年閏十月十五日尚書省言官負應展年

磨勘之人欲令吏部專一置籍內行在入委所屬在外令守臣取索印紙日下批書訖關申吏刑部大理寺關防隱漏從之 十年七月十二日御史臺言朝議奉直大夫依法以八十員為額今見管朝議奉直大夫諸州二十五人見闕五十五人雖二廣川陝未見報到緣闕額數多欲乞將見任朝請大夫依名次從上放行數十人磨勘外量留二十餘員候取會足日即依條施行詔令吏部先次放行三十員 九月十六日詔四川選人改官令經本路運司公參理當到部就申宣撫司磨勘無違礙與放散舉主保明聞奏付吏部審驗詣實奏鈔給告選人并舉主若有犯

犯且令出給先次放散舉主實日公據宣撫司保明
申奏聲說放散月日付部契勘如舉主有事故違礙
在未放散日以前即依條施行如在放散之後即與
叔使仍後授告方許繫銜候回鑒日依舊法十一年
九月十八日權尚書吏部侍郎魏良臣等言紹興五
年十一月初四日詔歸明歸朝官選人無公私過犯
三考循資至承直郎更五考即改宣教郎蓋為歸明
歸朝官選人薦舉不及無緣改官故以三考無過犯
循一資謂如元得將仕郎歷一任三考與循一資理
算至承直郎前後歷官六任一十八考更滿五考便
改宣教郎即歷任二十三年不用舉主改官不為僥

古以上原本
空二字

俸其餘用。有賞循資之人合及十考通歷任十五考
與改宣教郎庶免僥倖之弊從之。十三年三月二
十九日吏部言諸軍大小使臣校尉等已有理為資
任指揮並不即時出給理任差帖印紙經隔年歲方
始陳乞出給却將以前理過考第一併批書數考便
行投下磨勘閏陞竊慮奸弊滋生欲乞將未有差帖
印紙之人限一季陳乞出給候給到並依限經所屬
陳乞批書如違限止據批書年月出給到差帖印紙
日起理磨勘理任閏陞從之。十四年六月八日詔
權國子錄師古特改承務郎與在外陞等差遣古以
文學恩得旨改官吏部以係文學候正官日叔使監

學官有請故有是詔 十五年三月十三日尚書省
言選人任館職編修刪定官大理司直評事學官及
諸州教官方便就任磨勘成憲其載比年以來非前
件職任之人亦乞就任磨勘陞改有礙後官之任詔
今後應選人就任磨勘陞改悉依舊法 十九年三
月二十日詔今後捕盜及獲私茶鹽之類并選人依
法應改官及四川換給酬賞改官之人依刪定改官
體例先次開具條法申尚書省候指揮下部依條
擬官奏鈔內四川選人換給磨勘及就任磨勘改官
之人仍令考功依此具申從吏部所請也 二十六
年十二月十六日明州觀察使安定郡王令衿言早

忝科名入仕五十餘年內歷郎曹監或外任郡守監
司有歷過磨勘減年乞許收使詔特與轉行一官

二十七年五月十六日詔四川選人磨勘見申朝省
伺候告命者不許諸司辟差一以臣僚言四川選人
已就制置司放散舉主不俟告下以選人階衙干諸
司辟改權為辟冒辟為奏故有是詔 二十八年四
月十八日中書門下省言樞密編修官敕令所剛定
官秘書省正字博士正錄除內有自用吏部常格改
官人外依法合到任實歷一年通理前任考第改官
近來多是到任未及一年援例陳乞通理陞改甚非
朝廷涵養人材之意詔今後並遵依舊法施行 二

十九年七月二十五日中書舍人洪遵中書舍人張
孝祥兼權給事中王晞亮被旨議敕令所刪定官聞
人滋所奏論選人改官法議曰臣等竊詳選人改官
之法自祖宗以來行之二百年法令章程粲然備具
至於今日不能無備者非法之不善也患在士大夫
之私情汨之耳夫自一命以上仕於州縣之間雖有
真賢實庸勢不能以自達於上故為之立監司郡守
薦舉之法必使之歷任六考所以遲其歲月而責其
赴功必使之舉官五貢所以多其保任而必於可用
姦賊臣蠹者既有按治之科而齷齪冗懦之輩既無
材可以被薦又無過可以斥逐寧予之幕職曹掾之

祿使足以代耕至於沒齒而不敢望致身於京官所以分別材否可謂至矣舉之而非其人有材而不見舉是則監司郡守之罪所謂失舉之罰必行之可也今臣僚所建欲以歷任十考舉主不及格者與降等改官揆之人情雖為至公然恐此法一開則有力者唯圖見闕無材者苟冀終更率不過出官十餘年可生以待京秩此其不可一也今欲約每歲改官之員減其分數以待無舉削者則當被舉之人必有失職淹滯之歎此其不可二也京官易得馴至即位任子之恩愈不可減非所以救入流之弊此其不可三也祖宗法度非有大害不易輕議今一但欲以二百年

之成法舉而易之此其不可四也有四不可事理著
明難以如臣僚所請竊謂如故便從之 八月十二
日皇后宅教授林同言無降指揮請給人從依諸王
宮教授諸王宮教授視太學博士例通理循資從之
三十年五月十六日臣僚言平江府節推劉天民
在任改差主管架閣文字乃乞依教官法就任改官
然後赴新任監行在排岸司許子中亦差主管架閣
文字復引天民例就任磨勘皆憑特貴勢僥倖廢法
望明詔吏^部堅守成法令後如劉天民許子中例妄有
攀引而官吏輒有與申陳者皆重寘典憲不以赦降
原免從之 七月十九日臣寮言四川諸軍從軍大

小使臣自紹興九年正月三十日詔今後許理為資
宣司未承指揮已前以便宜依格並與放行磨勘出
給便宜付身考功以當時未有理任指揮例行改正
緣在軍供職歷過日月實非僥冒欲乞特免追改並
與放行換給從之 三十一年十月二十三日吏部
侍郎凌景夏言欲將應選人任幕職官令佐屬官之
類若成三考有舉主考第應得磨勘格法許繳連合
收使舉主吏部告示經所屬陳乞保明申部方許不
候替官罷任赴部磨勘或在任別有規避妄稱舉主
考第應格乞行罷任之人從本部具因依及保明不
實官司申朝廷施行內監當官願罷者如無官物欠

少所屬依此保明批書訖亦不候替人罷任赴部磨
勘從之紹興三十二年六月十三日孝宗已即位未
改元登極赦書應文臣承務郎武臣承信郎以上并
內臣及致仕官並與轉官合磨勘者仍不隔磨勘
二十四日中書門下省檢會登極赦書文武臣並與
轉官磨勘緣該載未盡理合續次施行詔選人校副
尉下祇應在職任并嶽廟人並與循轉一官資已係
承直郎候改官減二年磨勘二十七日吏部言登
極赦書文武臣並與轉官今欲將應侍從卿監郎官
監察御史以上檢照三代職位并太中大夫以上合
命詞給告其見任行在釐務以上并任在部及凡在行

在官許齋初末付身同錄白細具脚色一通經部陳
乞在外官除太中大夫以上亦照三代職位擬申如
無文字可見檢舉未盡即候許乞日績次擬申施行
餘官並錄白初末付身同真本朝典狀詔本色保官
一貧委保經赦日非丁憂身亡事故之人無冒一切
違礙經所在州軍陳乞勘驗官吏結罪保命申部以
憑擬轉給告從之七月七日詔戶部官催督諸軍賣
酒息錢及二十萬貫減磨勘一年每歲減磨勘依已
降旨通不得過四年 十三日吏部言選人循轉承
前止憑出身以來付身印紙即不召保今欲將諸路
州軍監縣鎮城寨等見任選人各經所在州軍獄廟

人自受付身日理任經所在州軍齋出身以來真本
付身印紙家狀同錄白具陳仍本州委官點審灼無
冒偽事故保明中部施行外路諸司屬官亦依此經
本司行在京局見任及在外見在職任并獄廟人因
事或省侍到行在選人并齋真本出身以來付身印
紙家狀同錄白赴郡陳乞施行庶得一體不致留滯
從之 十月十五日試給事中金安節言承指揮成
彥忠皇城司任滿賞并兩任翰林司任滿賞特與遷
郡上轉行兩官按令諸武功大夫實歷七年曾歷邊
任有五人以上保舉與磨勘轉遷郡刺史已後並理
十年轉遷郡國練使至遷郡防禦使止祖宗之法不

輕以授人如此契勘成彥忠今年五月方轉遷郡刺史抵今未及半年遽用幹辦翰林司皇城司任滿賞於刺史上轉兩官則是二十年磨勘五月之內一旦得之於考績之法無乃戾乎非所以示至公使人知勸也欲望將成彥忠所得任滿賞付之有司依格施行從之 隆興元年正月七日臣寮言權知財貽軍周淙乞通理轉官有旨特依竊見吏部勘當流月初到官中朝廷乞通計前任知楚州月日已獲旨特依格減二年磨勘推賞即無再許不願通計更理任轉官條法今不用有旨甚當特從所請前後相戾於義無當以示公況後有事体相類者或攀援陳乞理難獨違

流弊滋多不可不慮欲望依吏部勘當事理施行從之三月十五日左從政郎權監推貨務都茶場潘慈明初任三考次黃州教授二考七箇月丁憂計少四箇月有奇通成六考乞用推貨務都茶場減年賞比折補足月日罷任磨勘從之二十八日明州言左儒林郎昌國知縣王存之在仕廡清吏民信服考第舉官及格乞就任磨勘改官再仕從之四月五日詔今後選人改官每歲以八十負為額內以十負待歷任及十二考減舉主改官人數如不足並聽闕仍自今年為始十五日臣僚言切見李若川等乞轉朝議大夫援引建炎覃恩舊例謂非止法許其溢

負勘會建炎放行遷轉妨朝士之年勞寸進者逮三十年若今自用例轉行滋蔓將來之訟襲遷階者何可勝計檢准紹興賞令諸朝請大夫以上因恩賞轉官者以四年為法各計所磨勘收使修令之日在靖康建炎之後詳定已先今日所宜遵守則建炎覃恩轉官不當引援明矣欲望將若川等陳乞遷轉更不施行從之 七月十九日中書門下省勘會新制自今選人改官每歲以八十員為額除十員充歷任及十考減舉主改官人數止係七十員今方七月吏部已引改官人六十四員并見候引四員止闕二員切慮下半年改官人數亦不下六七十員若積累數年員

額拘礙必致留滯者多詔吏部具依常年放行 十
月二十九日詔楊州并安撫司官依舒州無為軍例
推賞內選人到罷及二年磨勘以上與一併收使從
知楊州向子固請也 十二月十一日詔陳康伯子
安節久在選調改合入官十七日臣僚言前監鎮江
府造船場沈作乂用舉主改轉右通直郎按作乂頃
為船官用官本修私船言者論列有旨吏部不得放
行改官今乃觀望作乂前宰相之子更不遵依元旨
乞止於通直郎上降一官欺罔朝廷此而可恕將何
以懲欲望追寢作乂改官成命從之 二年三月二
日吏部侍郎葉顥條奏革弊便宜殿前馬步三司見

從軍下班祇應依已獲旨自受下班祇應起理十年
磨勘改轉進武校尉今措置似此陳乞磨勘之人從
三衙依自来例一面保奏仍一就錄白出身以來文
字保明申吏部從本部候奏施行庶革迂枉留滯之
弊從之又選人改官依條承直郎至修職郎用六考
迪功郎七考舉主應格方許磨勘近多囑託吏史為弊
非一自今並不許用迪功郎一色月日作六考并用
減年作實考及權攝月日放行磨勘從之又選人陳
乞磨勘改官依見行條法除諸州教授許就任陳乞
外其餘並不許近多干求監司郡守將知縣幹官乞
就任放行磨勘措置今後並遵守舊法施行從之

又文武官閑陞監當人依專法須滿六年到部聽閑
陞近並不照應條法止據許乞稱已到堂即理作到
部放行措置自今並遵依見法須候身到部方許閑陞
從之 又官貲陳乞磨勘服色內有因罪犯編羈管
勒停并責授散官追官指定州軍居住除名之人
今措置應有似前罪犯後雖改正若無理元斷月日
之文以前年月並不許收使從之 又醫官罷任限
三日批書其陳乞磨勘內有批書違限之人依專法
合該展年却囑託吏史往往先放行磨勘却批書措
置自今醫官磨勘並遵依見行條限施行從之 三
月二十三日臣僚言戶部點檢所所立賞格以諸庫

賣到息錢為額雖於元額二十萬貫減一年磨勘後
添作二十三萬貫然合諸庫賣錢歲不下百數十萬
若計數減年則點檢所官二年之間當減磨勘者至
十餘年不與諸庫虧欠之責而兼受諸庫合得之賞
其失於過而太濫孰甚於此欲望將點檢所官賞任
滿日止與一官又文思院官任滿亦減五年磨勘管
督工作自其本職遇製非常禮物因亦希闊賞太過
如此亦宜任滿減半推賞其他似此之類謂宜依倣
條其施行仍乞令吏部自今遇以減年磨勘轉官者
須以實歷年數對用則是合四年轉官者亦以二年
轉也從之 六月十九日臣僚言右文林郎朱希說

陳乞磨勘按希說先曾磨勘緣任辰州司理將杖罪
勘死失入法用十二考再有舉官丘負希說隱蔽前
犯先次放行磨勘為言者論奏不行今又赴部磨勘
其所用舉主皆係時暫差權所得臣論奏今日用人
之弊本無舉官假以朝旨時暫差權數日之間舉官
數足即得改官特蒙嘉納以其言置政事堂若將希
說磨勘放行不惟希說一人以不合磨勘公然囑託
即所以置政事堂者遂為虛文希說磨勘望賜寢罷
從之 八月二十五日詔左中奉大夫趙不溢合該
覃恩轉行一官令吏部照應止法人例施行先是不
溢言見官左中奉大夫依法合用實歷止七考轉中

奉大夫不許貼用減年欲作回授收使又非止法人
虛得減四年磨勘獨不需被需恩乞依止法人例作
回授收使詔特許貼理磨勘收使言者論轉中大夫
非兩制不許貼用減年若放行不溢恐開後比再有
是命 乾道元年正月一日南郊赦書承直郎以下
犯私罪徒贓罪杖得不礙選舉差注者若舉主考第
比無過人例合磨勘者奏裁 三年十一月二日六
年十一月六日九年十一月九日南郊赦書並此制
八月十二日冊皇太子赦書應命官展年磨勘除
犯贓罪若私罪徒外並與免展 七年二月八日冊
皇太子赦書同此制 十一月二十三日吏部言左朝請

卽新權知韶州汪杞乞磨勘會杞昨乞推賞係六十九歲戶部行遣迂滯致年及七十有礙磨勘切慮日後亦有似此年已七十三人故稱年未七十之前官司行遣留滯巧妄陳乞因誘冒濫勘會欲遵依見條今汪杞卽不礙磨勘年限條法詔吏部特與放行十二月二日詔武畧大夫忠州防禦使帶御器械趙志忠昨寄資日於紹興二十三年三月磨勘轉敦武郎後來磨勘特依徐伸等前後例自轉授日起理磨勘外餘剩月日仍許接續收便徐伸磨勘在紹興三十一年其後帶御器械王槩甘澤乾道二年七月並特磨勘皆用前例也二年正月二十七日

吏部言右承直郎前崇信軍節度推官兼司法張果
之乞磨勘雖考第舉主及格緣曾犯公罪杖衝替依
條合自朝廷指揮詔改次等合入官 三月十七日
宰執言吏部長貳措置選人改官引見令立班移近
軒陛一一宣名其間聖意或有所疑即乞指名宣諭
吏部侍郎合同至都堂審驗有不中選取旨別作施
行因上曰如此施行全在卿等盡公方得其實洪延
等曰階下既指定姓名雖臣等子姪亦豈得容私如
果非才即與改次等或更一任回改官仍重行謬舉
之罰庶冒濫改官者鮮矣 十月十四日詔諸路州
軍應起發糧斛綱運差見任曹職官如不足差見任

文武官或寄居待闕官曾經到部付身圓備人管押
一萬石一千里以上無失欠減二年零八箇月磨勘
一萬五千石以上紐計地里推賞轉至一官止三年
正月二十九日吏部言武德郎譚羽昨任武節郎因
募押袁州上供苗米得減十年磨勘乞於見任武德
郎上磨勘收使緣昨承紹興二十九年五月敕旨今
之貪官爵者例求綱賞以遷官蔭子自今應轉朝奉
大夫朝奉郎磨勘無得以恩賞遷見今遵守譚羽見
官武德郎乞收使綱賞改轉大夫合即蔭補與轉朝
奉大夫事体絕同詔依文臣初旨施行敷武武翼郎
依此十月七日臣寮言乃者吏部有請引見并行在

職事官及外路就任改官人以百負為額四川換給
 改官人以二十人為額已頒旨施行以郡計之東南
 約三郡則改官者二人四川約六郡則改官者二人
 其多寡不均灼然可見欲望將引見并行在職事者
 外路就任四川換給人通以百二十人為額並以取
 會圓備上鈔日為先後之序庶幾遠近均一從之十
 一月三日南郊赦書應命官下班祇應校副尉因罪
 特旨及依法合該展期或展年磨勘降資殿降名次
 展年參選罰短使之類并場務虧欠展任並特與放
 免 六年十一月六日九年十一月九日南郊赦書
 並同此制 四年八月二十二日吏部言右監門衛

大將軍和州防禦使士穆昨差大廟行事遲緩特降
一官今乞磨勘緣外官武臣降官以前歷過月日叙
官後不許通理收使士穆係南班環衛官依宗司專
法即不該載降官不許通理磨勘之文詔士穆許通
理降官以前歷過月日令吏部放行磨勘十月三日
吏部言右宣教郎知綿州巴西縣丞程敷不繳告因
磨勘侵用丁憂月日轉右通直郎乞改正別磨勘尋
照文按紹興三十一年七月眉州申發敷本磨勘前
連家狀并親書格目狀等並繫寫是年七月已放行
其磨勘內有丁憂月日不應收使昨陳乞即係隱匿
丁憂月日照程敷本特降一官十二月二十六日詔

右千牛衛將軍士矩特轉右監門衛大將軍以堂兄
宣州觀察使士歆乞用覃恩回授也 五年二月二

十二日吏部言準詔宗室士矩換元舊南班官日歷
過磨勘轉官特許以兩官比換南班一官权使今士
矩叙陳昨造軍器并覃恩轉官係洵恩即合一官比
換一官緣無該載詔右監門衛大將軍士矩特授新
州防禦使 三月二十八日臣僚言修武郎故太師
楊和王府書表使臣李思奇乞任滿推賞會楊存中
畫一止稱幹辦主管使臣等仍舊給使奉稟再任等
並依張俊已獲之旨畫一即不明言任滿推賞乞依
張俊吏部放行減年實失宜當昨存中家許乞恩例

依張俊者非一他日更用不明盡一經請朝廷既許
行一事其餘亦何以却之俾門一開不可復遏故當
謹之於始以塞濫恩從之 四月二十七日吏部言
右建功郎前權監潭州南嶽廟吳堯佐先補授吉州
文學捕獲強盜該改合入官依條候注正官收使堯
佐注權蘄州廣濟縣尉任回緣驗屍失當再注權官
二考侍養罷任再注嶽廟通理成三考緣前兩任六
考係文學出身並理當權外官別無考第依格本等
合改轉右承務郎緣有前犯欲於右承務郎上展四
年磨勘從之五月二十七日詔隨龍和安大夫貴州
團練使陳孝廉為任皇子慶王恭王府各寶及六年

特轉均州防禦使 九月十四日臣寮言近降旨選
人任嶽廟者所歷月日悉不理為考第然在法京官
考任滿六年方許開陞今乃使嶽廟月日亦許理為
考任夫選人困於選調宜不得計奉祠月日京官初
無選調之厄獨以祠祿理考是何抑彼而予此耶欲
望將京官嶽廟亦不理為考任從之其後詔京官任
嶽廟在乾道五年九月十四日新制以前月日許收
使六年四月十八日宗正司言皇叔祖均州防禦使
士杰紹興三年年十五歲合自其年起理磨勘至紹
興十二年七月換授武節郎係在官實歷九年六箇
月緣非外官所歷月日是以未嘗收使即無差革條

法違礙合自乾道四年十月授告日起理南班磨勘
至乾道五年四月實歷五箇月其二次實歷通計十
周年依條實歷十年合該磨勘詔特轉隨州觀察使
閏五月六日臣僚言南班宗室自太子右內率府
副率至正任承宣使十階並用十年磨勘轉行一官
至觀察使取旨近歲南班官徃徃將所得轉官礙止
法恩賞回授與一等南班收使作一官轉行顯太優
幸欲望將南班宗室所得轉官恩賞礙止法人如回
授與一般南班收使即改給減十年磨勘其承受減
年若該磨勘即照隆興二年三月制旨對用實歷改
轉從之 七月二日吏部言左中大夫敷文閣直學

士薛良朋磨勘契勘紹興參附令中大夫轉太中大夫雖兩制即不許貼用減年法意分明良朋自轉左中大夫起程至今年六月止實歷一年六箇月却將昨任知徽州勞績減四年磨勘內收使一年六箇月湊及三年轉左太中大夫於法顯礙雖有放行王曦等例並在乾道四年不許援例指揮之前詔良朋磨勘轉左太中大夫一官改正吏部處當官吏具名取旨於是敷文閣直學士陳彌作吏部員外郎張拭考功員外郎韓彥古降職展磨勘年降官有差人吏王興祖等皆決杖彌作先任兼權尚書故也援例指揮已見定格令

二十八日詔德壽宮官吏諸色人等

為應奉有勞已及五年依已降旨並特與各轉一官
資礙止法人並依提舉官張去為所乞例回授階官
未至止法人並與階官上轉行 十一月六日南郊
赦書應文武臣校副尉下班祇應昨來該遇覃恩合該
改轉官資之人竊慮四川二廣駐劄諸軍因而陳乞
出違條限并有限外申發到部有司執文不與放行
甚非覃霽之意可令吏部記申人己申發到部先次
放行其未曾陳乞之人自赦到日與限一季經所在
州軍自陳依已降赦文改轉 七年二月八日冊皇
太子赦書勘會諸軍將校緣功賞合轉承信郎偶不
曾繳到付身及綾紙錢朱鈔及差漏三代名諱致妨

襄陽志有灘
積以致網運留
滯押網與舟人
相通為甚限
區官物利害
生

給告止出轉官公據後來因覃思或他賞已轉承信
郎以上方行陳乞吏部却引用八資法比折減三年
磨勘甚失當時立法之意如有似此之人仰吏部特
與作一官資轉行 同日用皇太子敕書應命官居
年磨勘除犯賊罪若私罪徒外並與免展 九月二
十四日總領湖廣江西京西財賦呂游問言襄陽在
今日為必守之地務要廣積糧斛緣鄂州汴流至
重今措置欲於鄂州添置撥發船運官一員如任內
職事修舉與磨勘三年從之 十月三日中書門下
省勘會吏部改官負數每年通以百二十員為額今
年負數已足有溢額三十餘人候來年引見詔吏部

將限外

已散舉主人依條施行其見待班次人具奏引見改
官今更不限定年額 十二月三日吏部言奏舉改
官人孫次襄依條合用六考次襄前任靖州軍事判
官在任通理潭州衡山縣戶部贍軍酒庫通成四考
緣選人止許通理成三考合退諮外雖有六考所得
舉狀在合退諮考第上發奏若朝廷許水使於本部
即無違礙詔從之自今依此八年十一月六日知潭
州充荆湖南路安撫使陳彌作提舉荆湖南路常平
茶鹽公事胡仰言湖南州縣荒旱永州推官應材永
州司戶羅全略永州教授王阮監潭州南嶽廟陳符
長沙知縣陳確善化知縣呂行已衡山縣尉對移湘

陰知縣孫逢辰究心賑濟職事修辦應材仍有運米
 往返措置協濟之勞詔應材轉一官羅全略王阮陳
 符陳確呂行已孫逢辰各減三年磨勘十九日江
 西安撫使龔茂良條奏本路揀荒措置宣勞官僚詔
 陳寅特轉一官徐大觀向士俊翁家之各減磨勘三
 年李宗質王日休江湧向澹戴建先王濤胡振蒲克
 仁汪廣各減磨勘二年謝錡劉清之薛裴董述黃晏
 趙不比王杞鄭著張永年趙公迥各減磨勘一年九
 年四月二十九日權兵部侍郎兼臨安少尹沈度言
 皇太子領尹臨安左司理楊坦等援引祖宗典故許
 乞改官已得旨候今任滿改合入官錄事參軍黃衡

於法在諸曹官之上與楊坦等事体寔同未曾陳乞
欲望依楊坦等已降恩旨施行從之 五月十四日

監察御史陳舉善言近覩右從政郎充荊湖北路安
撫司准備差使樓錡乞就任磨勘吏部指定欲將錡
今任內所得舉狀揆用依條磨勘竊詳吏部勘當即
在法有所不許今返指定放行委有異同不知果何
所據若以為葉衡申請今衡所請不過乞令錡用前
任已足考第舉主即不請許用今任舉主揆滿今錡
若用教授考第磨勘則尚少舉主一員若用今任葉
衡舉狀即宜候成資日陳乞不應復用教官就任揆
考之法切恐自此人得為例有廢祖宗銓曹成法詔

今吏部依條施行 二十八日臣僚言左承議郎施
元之磨勘吏部勘會所乞年限雖滿緣罷新任浙西
提刑若依非時改移罷格展兩季磨勘緣未到任
欲依大理寺約所犯公罪答不礙磨勘放行契勘外
任別與差遣不過以其才不稱職初無罪累可言猶
展磨勘若因事得旨罷任即是顯有罪狀當展磨勘
無疑今吏部既知格法不可乃曲為之辭稱未到任
緣在法諸稱見任者授訖未上同顯案成憲詔從之
仍令吏部長貳具析於是吏部尚書李彥穎降兩官
九月十七日吏兵部言殿前司諸軍已改正代名
官兵如已給吏部理任差帖印紙人將受敷減付身

日起理關陞其已經陞帶外任人如敷減作大使臣
合依舊帶外任差遣如敷減作小使臣即合除落修
武郎以上在軍及三年係親民資序即許輕本軍陳
乞陞帶詔磨勘特與通理未改正以前所歷在職年
月放行磨勘其關陞陞帶等並依 二十六日詔靖
州職官任滿無犯舉主不用職司如前任已有文字
通今任自有舉主三負即依本州曹掾例循兩資候
磨勘後收使教授任滿亦依職官体例施行 十二
月二十六日吏部言武功郎昭慈聖獻皇后攢官都
監賈惟清乞磨勘勘會賈惟清所乞係初磨勘於乾
道八年十一月內轉歸吏部即無許與不許通換未

轉歸吏部以前年月收使明文心不收使緣係宣差
睿思殿掌管簿書已成六考有令止緣目前未曾申
明無以遵執今參議欲以未轉歸吏部以前就差年
月與起理磨勘從之

宋會要

尚書左選

郎中

淳化三年置磨勘京朝官院四年改又太平興國中置
差遣院至是併入在宣德門外西北廊掌考校京朝官
之殿最分擬內外之任而奏之知院事二人以朝官充
書令史七人掌舍二人熙寧三年分東西院始為東院
詳院仍尚書左選舊係審官東院元豐五年改今名其
五年以前仍具載于此兩朝國史誌審官院知院二人
以御史知雜以上充掌考校京朝官殿最叙其爵秩而
詔於朝分擬內外任吏而奏除之書令史七人 郎中
一人掌考校京朝官以下殿最叙其爵秩擬內外任使
而奏除之案十一曰六品曰七品曰八品九品曰注擬

複校銷

曰名籍曰掌關曰催驅曰申庫曰檢法曰知雜曰奏薦
賞功司吏類主事一人令史二人書令史九人守當官
一十一人正貼司一十六人私名一十二人楷書三人
法司一人官告院六部監門隸馬內六部監門通隸尚
書左選詳選下

審官西院神宗熙寧三年五月二十八日詔國家以西
樞內輔贊翊本兵任為重矣而狃於舊制自右職陞朝
以上必兼擇而除授之是以三公府而親有司之為非
所以遇朕股肱之意也今使臣增員至衆非張官置吏
以總其事則不足以一文武之法而礪中外之才矣
以審官院為審官東院別置審官西院差知院官兩員

尚書右選

郎中

專管閣門祇候以上諸司使磨勘常程差遣應有合行
事件並仰知院官條例以聞俾銓叙有常程黜陟有常
守官修而紀律振任專而考察精庶熙治綱成體朕志
以大章閣待制齊恢為知院兵部郎中韓縝同知詳議
尚書右選舊係審官西院元豐五年改今名其五年以
前仍具載于此 郎中一人掌大使臣以上差注材武
人格有二十一及破格出關較量功過奏薦諸軍賞功
案十曰大夫曰副使曰敷修武曰注擬掌關曰奏薦賞
功曰開折曰名籍曰甲庫曰法司曰知雜吏額主事一
人令史二人書令史九人守當官一十二人正貼司八
人私名一十人法司一人詳選下

流內銓

卷一百一十五

四

流內銓本吏部尚書職國初張昺為尚書領選事凡京官七品以下猶屬銓院自昭致仕始用他官權判頗變舊制京官以上無選並中書門下特除又使府不許召置幕職悉於銓授今以選集者故止自節度判官以下州府判司諸縣令佐按資格注擬號流內銓其流外選人亦用焉詳銓

下接寫流
外銓
侍郎左選

侍郎左選舊係吏部流內銓元豐三年改今名其三年以前事仍具載于此兩朝史志判流內銓事二人以御史知雜以上充掌節度判官以下州府判司諸縣令佐擬注對數磨勘過之事令史十一人選院令史六人駮使官三人流外銓掌考試附奏諸司人吏而已令史十

郎中

三班院

二人 侍郎一人郎中一人掌承直郎以下擬注州府判司諸縣令佐監當及磨勘功過之事案十三曰序丞曰職官曰入官曰縣尉曰格式曰主簿上下曰開折曰名籍曰甲庫曰知闕白注擬曰知雜曰法司吏額主事二人令史四人書令史一十八人守當官一十八人正貼司二十人私名十人楷書十人詳選下

三班院 太宗太平興國六年二月命御厨副使楊守素供奉官簿備韓令寶同檢點供奉官殿直承旨三班公事 雍熙三年十二月西上閤門使張平授各有使依前點檢三班公事 四年七月詔置三班院以崇儀副使蔚進掌其事先是供奉官殿直殿前承旨悉隸宣

侍郎右選

郎中

卷一百四十五

四十五

徽院至是以其衆多出使於外有訴勞逸不均者因命別置院考校殿最引對使殿定黜涉焉詳院下

侍郎右選舊保三班院元豐五年改今名其五年以前仍具載于此兩朝國史志三班院勾當院官無常員文臣以兩制以上武臣諸司使以上充常置籍以總使臣之名均其出使釐務定其任使遠近之等級及考其殿最而上于朝凡借職以上至供奉皆隸焉勾押官一人前行三人押司官一人後行十一人 侍郎一人郎中一人掌校副尉以上較試擬官行賞換官考其殿最案十五曰從義曰忠訓曰成忠曰承節曰承信曰進武曰差注曰生事上下曰掌闕曰資次曰知雜曰催驅曰甲

格式司
複校銷

流外銓

庫曰法司曰架閣吏額主事二人令史四人書令史一
十五人守當官一十八人正貼司二十五人私名七人
楷書一十人法司一人詳選下

格式司太祖建隆元年十一月詔天下縣除赤幾次赤
幾外重升降地望取四千戶以上為望三千戶以上為
繁二千戶以上為上千戶以上為中不滿千戶為中下
五百以下為下自今每三年一次升降詳司

流外銓真宗咸平元年十二月詔京百司今後如額內
闕人處吏部每歲一次於十月內曉示諸司於見祇應
私名入仕三年已上依次牒送比試補填叙理資考若
抽在別處祇應與計勞考者不更充在司額留司祇應

者亦於見定額內抽卹不得別補所有歸司不歸司諸
色事故並準長安格諸司內或從來有添展開額詔敕
一聽逐司存留凡門下省額二十五人中書省十五人
起居院三人諫院二人尚書省五人吏部十二人銓二
十人南曹十人甲庫四人司封二人司勳二人考功五
人兵部十人甲庫二人職方三人駕部二人庫部二人
戶部三人度支二人金部二人倉庫二人刑部八人加
五人都官二人比部二人司門二人禮部三人貢院八
人祠部四人主客二人膳部二人工部二人屯田四人
虞部二人水部二人御史臺二十五人太常寺六人禮
院十三人宗正寺十三人光祿寺六人衛尉寺十人大

理寺十二人加二十二人太僕寺八人鴻臚寺三人司
農寺五人大府寺四人祕書省七人殿中省五人國子
監五人少府監六人將作監三人司天監五人四方館
三人左右金吾左右街各三人

宋會要 官告院

兵史司封司勳官告院國初於右掖門東廊置院四司皆身案並集于此以備中書除改本司即官各主其事淳化五年始專制官局于省內凡官告各以本司皆身印印之文臣用吏部武臣用兵部王公命婦司封加勳用司勳掌文武官將校皆身及封贈朝官一員主判中書舍人一員提舉餘綾紙庫入內侍一員管勾太祖乾德四年四月詔重定官告院所用內外文武官皆身綾紙標軸高書令侍中中書令平章事使相用五色背金花綾紙寶裝犀軸銀鈎暈錦紅裏標代紫絲網銀幡踏樞密即度使已上用白背金花五色綾紙寶裝犀軸銀鈎暈錦紅裏標紫絲網銀幡踏樞密知政事三師三公僕射東宮三師用無金花五色白背綾紙鈎暈錦紅裏標裝大牙軸樞密副使宣徽三司使兩後統軍上將軍檢官至太保以上者與參知政事一同司徒已下者止用大花白綾紙標軸同上端明殿翰林樞密直學士東宮三少尚書內客省使防禦團練使已上用大綾紙紅裏銀鈎法錦標大牙軸帶侍中丞給諫舍人大卿監隨客詹事刺史主客省引進使判四方館門使用大綾紙法藥標大牙軸祭酒庶子諸衛大將軍內諸司使副使禁軍都虞候起居郎侍衛史少卿監大詹事司業率

程輯大典不
著卷數以下
並同

更令郎中員外太常博士兩京少尹四赤令諸州行軍副使節鎮馬步軍
都指揮使用大綾紙大錦標大牙軸諸將軍率府率副率殿中侍御史監
察御史國子五經博士通事舍人陞朝官禁軍指揮使京官諸州防禦團
練刺史都指揮使已下幕職州縣官帶檢校官用中綾紙中錦標中牙軸
諸州幕職州縣官無檢校官及內外副指揮使已下將校用小花綾紙小
錦標木軸太宗太平興國六年十二月詔官吏以告身及南唐曆子於賈
區權息錢者並禁違者官為取之不償其真淳化元年四月詔自今中書
降敕門下者是令使一人於承敕院畫領承受批上印曆分付甲庫官告
院收掌出給告身簽符二年三月詔官告院應降制授官者使五色金花
綾紙寶裝犀軸追贈者使白背五色無金花綾紙銀鈎罩錦紅裏標大牙
軸四年四月詔官告院置寫告令吏十人須書札精熟者又置綾紙庫用
朱膠綾紙錢物差三司軍將一人為專知官應兵吏部司封合納綾紙錢
並本庫收納旋送左藏庫每日輪令吏二人將預書綾紙於合人院寫吉
切官告令當直赴制告點檢不得漏泄其吏部選人除官亦令甲庫實封
敕送官告院寫告畢送本院長官看讀無悞即置曆給付如人吏錯悞數
多委是急慢即量情責罰五月八日詔官告院書寫官告或官司錯悞隨

月破帖候及百道即納作坊若人吏錯悞勒令陪納其告身納僕射已下
見任官並預先取書收掌準備除官十一日詔應給人已經照勘銓擬更
官聞奏下直付官告院出告身者舍人院疾速發遣二十五日詔百官為
父有官先曾降麻制授官者納錢五十五年三月詔官告院差吏部令使
二人與三司軍將同管勾綾紙庫候官告院道闕守闕與正名各減一選
差令史二人出告身案及掌預書綾紙亦減一本月詔官告院一品已下
至四品綾紙標軸各書三五通於舍人院封鎖準備使用十二月詔官告
院差守闕書令史三人祇應日逐預書綾紙月給千錢米一石至道元年
二月詔應中書除授幕職州縣官綾紙並全賜與不更納錢其吏部擬授
四川官亦免所納朱膠綾紙錢六貫四百五十三月中書門下言諸屯泊
木職將校每遇覃恩並差人賣所授告身本職文字於殿前馬步軍司繳
連於中書呈驗道路遠處有煩擾遺失詔在京諸軍加恩依例呈驗外
諸州止委知州已下取所授官告宣頭補職文字錄自印縫連書入遞聞
奏自今外道加恩官告並全入遞不得差人至京請領五月詔官告院應
除改畫官告指寫兩本付本房進書真宗咸平三年九月詔重定告身宰
相親王使相用五色背金花綾紙犀軸暈錦標袋色帶三師三公樞密使

及曾任宰相官至太子三師僕射已上嗣王節度師用白背五色金花綾
紙犀軸暈錦襖袋色帶參知政事先徵候樞密副使太子三師僕射御史
大夫兩京留守皇弟皇子皇姪皇孫用白背五色綾紙暈錦襖袋大牙軸
色帶尚書文明殿學士太子三少京牧大都督大都護兩省侍郎京尹統
軍上將軍兩使留後觀察使用白背五色綾紙法錦襖大牙軸色帶並十
七張三司使翰林學士待讀侍講學士樞密直學士尚書省御史臺四品
兩省五品以上諸司東宮三品王傳中都督諸府尹上都護下都督昭文
館集賢院學士左右庶子詹事諸位大將軍防禦團練觀察使橫行諸使昭
宣使樞密都承旨及諸司使軍職帶刺史者用大綾紙法錦襖大牙軸色
帶三司副使選朝官太常博士以上京府少尹亦縣令王府長使司馬諸
司馬諸使副使樞密副都承旨節度行軍副使兩使判官檢校主簿侍中
丞以上者諸軍都指揮御前忠佐都軍頭以上者方馬步軍都指揮使及
供奉官軍職加勳色者用大綾紙大錦襖大牙軸青帶並七張選朝官五
官正郎將已上內殿崇班及閣門祗候京官帶館閣三司職事者防團副
使兩使判官幾合諸州別駕幕職州縣官檢校主簿外郎者中書樞密主
事以上入內高班內品以上諸軍都虞候忠佐副都軍頭諸班指揮使蕃

方馬步軍都虞候以上供奉官以下及三司勾復官以上檢校至尚書者
役術官至朝官同上者用中綾紙中錦標中牙軸青帶京官靈臺郎保章
正幕職州縣官高班內品翰林諸待詔醫官中書行省守當官樞密院主
事令史法直禮直官用小綾紙小錦標木軸青帶並五張諸藩蠻子授大
將軍將軍司馬司文司候軍將等用大綾紙大錦軸法錦標色帶十二月
二十日詔京官供奉官侍禁殿直祇候內品內品用小綾紙水角貼金軸
紅地黃花錦標青帶又詔皇親崇班以上用大綾紙文武官封贈凡降制
追贈者用白背五色綾紙銀鈎暈錦紅裏標大牙軸宮掖官告用遍地銷
金龍鳳羅紋妃嬪及大長公主長公主用遍地銷金斜花鳳子羅紋紙
內命婦國夫人用銷金團窠花羅紋紙郡主縣主同上並犀軸暈錦標袋
紫絛網銀幅錯諸王妻宰相樞密使參知政事樞密副宣使徽使節度使
母妻用團窠金花羅紋犀軸暈錦標袋紫絛網銀幅錯諸王妻丞相樞密使
司使中丞觀察使內客省使母妻用金花羅紋犀軸法錦標袋紫絛網銀
幅錯防禦司刺使軍主府主南北省五品諸司使以上母妻用五色金花
綾紙牙軸大錦標袋餘官母妻用中錦標袋其後郎中諸司使以上母妻
皆用金花五色羅紋犀軸法錦標袋自餘母皆同上惟用玳瑁軸妻用五

色羅紙大牙軸大錦標學士以上母妻皆賜之餘官則入其直又有餘印
書紙在中書舍入院有除授則就寫之二十二日詔文官曾任大卿監丞
郎給諫武官曾任大將軍防禦團練使刺史內職曾任閤門使已上者及
因子孫追贈三代官至一品者並用大綾紙大牙軸法錦標如曾降制授
官自依先降敕命四年二月詔見任將相在朝正一品官及中書樞密官
特追封三代外應東宮一品以上雖曾任皇朝將相者只依編敕本品追
封其三代曾祖母祖母除中書門下三品及平章事在朝正一品使相
封國大夫人外餘只封郡大夫人止如舊有國號者依舊追封今後如位
極將相勲業崇高夢謝之時特恩追封王爵者依舊外如因子孫追贈雖
功隆位極並不追封王爵應因子孫追贈除祖父先居高位累贈至一品
外如子孫官高祖父官低今後祖父已贈五品者須歷品贈官方得贈至
正一品母妻所封郡縣依本姓望不禁繁望闕輔至封國拘此限五年不
七月令初除駙馬都尉用大綾紙法錦標十二月詔臣僚如恩告勅如歸
到日本官有諸色事故及罷任丁憂停任及為公事見在推勘者並不得
給付具事由奏聞其後天聖六年編敕所奏定犯事被推徒以上罪未給
仍奏聞丁憂及以理去官即給付身死者給本家訖至六年十一月詔官

告院綾紙庫差三司軍將充將知官三年一替景德五年九月官告院言奉詔重定諸蕃告身紙其舊官軍主^副軍主首領化外刺史子承父任知州授銀青階者請用大綾紙法錦標大牙軸色帶化外幕職州縣官上佐指揮使至副兵馬使衙前職員請用中綾紙中錦標牙軸青帶從之三年二月詔吏部郎中掌文官告身司封郎中掌封爵皇宗諸親內外命婦告身兵部郎中掌武官告身贈官同正官其封爵命婦贈官合用吏部兵部告身印內追封公主亦合用司封告身印今後兵吏部及叙封加勲須各用逐使印如違官吏勘罪重寘之法其印壞綾羅紙仍勒陪填八月詔官告院今後應該封贈授狀者須先取母取已經叙封郎縣名并錄中堂十二月詔皇弟皇子皇姪皇孫除官並用白背五色綾紙十七張帶錦標大牙軸色帶若授崇班已下如三司使例四年九月詔官告院除見管私名外無得出收^人奏裁大中祥符元年七月詔官告院諸州衙前職員今後川廣福建荆湖路每覃恩仰逐州保明合加恩人數如已有官者具錄告白條例聞奏下本院照會款闕出給官告付進奏院入遞發往逐州委長吏當面給散其官錢只納軍資庫自餘州軍差衙前因使都費錢上京於官告院送納請領官告二月二月詔應該封贈文武臣僚每覃恩須書

時授狀如隔舊不來於後不得乞一併加恩八月詔官告院今後月支上色朱紅五兩充印中書除改官告三年閏二月詔今後學士院開人不得於官告院抽私名人揀試八月詔官告院綾紙庫令三司與提舉司定逐色綾羅紙襪軸各三副印押充樣分留兩作坊及本院每送納之時將元樣比類交納四年十一月詔官告院應選人注官令納朱膠綾紙錢許運人情願就便送納五年六月詔進奏院今後官告院發到軍員告敕書時入遞仍具道數月日申本院八月詔陞朝官遇赦乞封贈者今後立限二周年限外不來即便止絕在外者申奏在京於都省授狀初叙封者須具父母存亡執照告白及妻禮婦狀經叙封者且累封告白隨狀投納若文字不足未得收接九月官告院言準中書劄子軍員諸州衛前每遇赦加恩多住滯經年今本院定奪聞奏今請每覃恩赦到限二周年內逐處錄白申奏若每遇新恩更不許乞行已前恩澤徒之八年七月令官告院自今大除授告身賜外舊書仍舊用金花綾羅紙時禁銷金有司上請故也天禧元年八月翰林學士晁迥祕書監楊億直龍圖閣馮元詳定叙封所生母及致仕官封贈母妻事旨等詳編敕議制自有明文若非嫡繼不合叙封其致仕官封贈據五代會要及新編儀制須曾任五品已上正官致

仕後即據品秩施行國朝已來每因降敕應預升朝並許封贈蓋是一時
重慶固非定格其致仕官湏是郎中已上方該封贈蓋近時敕文封贈亦
不該說然官告院二十餘年相承行道臣等議定乞今後如遇恩澤其世
朝官在堂無嫡繼母者許叙封所生母其致仕官於儀制難預恩澤乞今
後湏曾任陞朝官後致仕者亦許封贈如自京官幕職州縣轉朝官致仕
者不行官告院又言文武臣僚準敕封贈父者當院點檢有贊善大夫在
呂行簡叙封故事准六典司封之職凡庶子五品已上官皆封嫡母無嫡
母即封所生女子有五品已上官若嫡母在所生之母不得為太妃已下
無者聽之漢天福十二年嫡繼即許封叙如非嫡繼不在論請大中祥符
儀制嫡母繼母即許叙封如非嫡繼不在論請之限其致仕官如未致仕
曾任五品已上合追封者與據品秩施行別無條貫乃詔自除上條外今
依所議施行四年二月詔諸州御前諸軍將校所請加恩官告院更不定年
限今官告院候奏到並依例施行疾速出給不得住滯五年六月流內銓
言幕職州縣官擬授之後逐甲具前街所授替填員闕脚色狀申奏降下
出給告身竊緣遠人有遠地得替或掌獄罷官丁憂服闋理還年滿遇恩
放還等自來只用放還告詞一例脩寫官告乞今後依黃甲體式逐甲具

問

狀聞奏乞降下官告院依奏狀寫告更不用詞其合書官衙即依除官體式禁書從之仁宗天聖四年七月提舉官告院程林言選人官告小綾紙一副木軸小錦標青帶合納錢一千中綾紙一副中牙軸中錦標青帶合納錢一千五百並八十兩欲望自今小綾紙納錢五百中綾紙納錢一千只於本院綾紙庫送納若選人料錢十貫已下不納從之十一月官告院言准中書札子比試到今日已前私名待闕人王家說已下三十二人書札次第勘會正貼番額七人如有正名闕依條於舍人院試寫官告依例填闕又有九人舊充額外正權貼番名目在院習學寫告乞罷此名目直候正貼番有闕旋揀補填綾紙庫告身案自來於守闕內遇有家業行止四人與三司軍將同勾當三年交割無欠少遺闕不了即依敕補充正名今後勾當者八人並係守闕不曾習寫官告今試寫家狀及詩一首人別一人供預書綾紙一人守闕供預書綾紙八人守闕告綾紙庫告身案並在舍人院主掌習學張藉公事供應法物不曾學寫告身雖名試寫家狀及詩一首比量低次乞今後更不致守闕庫案名目據見勾當庫案人年滿即臨時依敕揀選有家業人勾當詔官告院正名自今以十五人守闕私名人共以二十人為額今采見在人數權且依舊存留候將來額闕人由

即得招收今後勾當庫案兩官告並須試驗人材書札方得收留其權貼
番守藏庫案守藏供預書綾紙更不得置此名目今後綾紙告身案得替
補正名後更令勾當三年依天禧四年五月敕減運使闕正名即得差有
家業守藏勾當六年詔追官或除名比限敕到日取宣敕告身今逐處當
職官吏注毀所追奪因依限十日內納尚書刑部從編敕所奏定也十二
月十六日詔今後文武陞京朝已上告詞並抄錄一本皇祐四年九月八
日詔頒官告條制自親皇宰臣至皇姪皇孫並依舊制觀文殿資政大學
士如文明殿學士及端明殿學士侍講學士諡學士閣直學士太子賓客
太常卿監國子祭酒司天監初除駙馬都尉四夷校郎將已上蕃官授正
副軍主并首領及花外刺史身敕子孫承襲以銀青階知州並如三司使
制客省引進閣門副使並如太常博士以上制內藩方都指揮使以上有
帶遙郡者用錦標五府少尹通事舍人而使判官正畿令防禦團練使率
府率副率諸色京官檢校官至員外郎以上三司孔目勾神勿覆官諸司
職掌官至諸州別駕化外授上佐幕職州縣官指揮使至副兵馬使衙前
職員等並如陞朝官制內樞密副承主有至將軍以上中書堂後官至太
傅以上虞候如至爵邑者並用大綾紙大錦標大牙軸正員京官用小綾

紙小角貼金貼金軸頭紅地黃花錦襖青帶諸色京官京主簿諸州長史
司馬中書錄事班行借職及諸軍指揮使以下翰林待詔書直書藝藝官
並如京官遷臺郎制內禮直法真授兩省主事及勅留官制別駕者諸州
幕職州縣官檢校官至員外郎者供奉官至指揮使以下檢校至尚書省
翰林待詔等陞朝官正官者並用中綾紙錦襖牙軸指揮使加爵邑即更
用大綾紙錦襖牙軸請司勅留官諸州衙前官將並用小綾紙應官檢并
公主並通地銷金斜花鳳子羅紙內命婦銷金羅紙郡縣主金花羅紙用
國夫人銷金團花棠羅紙郡夫人郡君縣太君及遙刺正即以上妻並用
五色銷金常使羅紙命婦玉色素羅紙其細銜自僕射尚書丞即以下見
任者令兵部司封並於官預先書押以備中書取索應曾降麻授恩者贈
官並用白背綾紙大牙軸法錦襖降麻授官人才薨追贈者用白背五色
綾紙銀鈎暈錦紅裏襖大牙軸見任將相正一品及二府追封三代東宮
一品以下雖常任將相各依本品追封其曾祖母祖母惟中書門下二品
平章事正一品使相封國大夫夫人外餘封郡大夫夫人止已有國號者依舊
追封應有官為父贈官以父曾降麻授官贈官用白背綾紙及贈至大將
軍已上並用大綾紙七張陞朝官中綾紙諸手監丞大理評事小綾紙並

各五張應封贈文官曾任大卿監丞即給諫武臣大將軍遠郡閣使以上者及因子孫追贈官至一品者並用大綾紙七張大牙軸法錦襖除大學士已上者用十七張外但用七張五張為差從權判尚書都省丁度等所議也嘉祐六年正月詔判官告院自今降敕差人理合入資序仍給添支錢十千元豐五年奉行官制文武官告身屬吏部蕃官屬兵部封贈及内外官命婦等告身屬司封加勲并將校等屬司勲官告院四部告身及人吏隨事隸本部逐記各有告身案朝廷教授差除各隨本部書寫給發進納告身七年并司封司勲告身入案入吏部預書庫收掌司封司勲告身即依舊逐部即官主營崇寧四年二月十四日臣僚言吏部所給命婦等告造作滅裂欲乞尚書吏部專置造官告一局就差尚書都省門內臣差架閣庫官專一主營從之六月三十日詔應書寫告身並隸尚書省製造官告局候了送本架書印發放漏泄等條並依舊五年正月三十日詔罷尚書省製造官告局依舊令尚書右選主官所有官告令用綾紙襖軸等令所屬依新樣製造大觀元年二月二十四日詔置置官告局十一月二十三日止官告局許仿言本局被受差除錄黃修寫進告多致漏泄欲乞改製造官告局為尚書省官告院別擇處建置應今後堂除教授差遣書黃

謂清按未
當為朱

至尚書有徑送本院給告然後付錄黃於吏部於事為便從之仍隸左右
司三年六月詔尚書省官告院復罷歸吏部政和三年六月十四日詔依
舊置官告院仍於吏部置局差官二員主管七月十四日主管官告院王
燮言本院未記欲乞下少府監鑄造以吏部製造告身案記八字為文從
之十一月十六日臣僚言諸令文應因子孫得封贈而父祖亡者所封祖
母並加太字臣看詳法意封則加太字贈則不用其意甚明而有司奉行
法難用欲乞應命婦因子孫官爵父祖亡封其母并祖母者加太字殘者
並除去從之十二月十四日官告院言奏授官告身見係吏部告身案承欽
出給欲乞依舊投例並隸本院其本案人吏並乞撥歸本院其出告乞
殺欽却發赴吏部逐案照會從之靖康元年二月二十三日詔官告院官
二員主管依元豐五年已前舊制其法物庫可廢罷綾紙標軸等並文思
院作坊後苑作製造先是政和七年二月置法物庫以追降指揮罷熙豐
製造局合罷者左藏庫移牒物收造告足帛等主管官吳震等以為言故
有是詔神宗熙寧二年八月十八日官告院言久例皇親副率以上即用
白綾紙暈錦標大牙軸色帶子若有例依近敕比漢文資出官者未委合
依舊例與外官條制詔依皇親例供使四年十二月二十三日詔官告院

綾紙庫合納綾紙官錢赴左藏庫送納所管綾紙專差使臣一員月給食錢五千添差三司軍大將一名充副知只差本院守闕一名抄寫文字月給食錢一千更不納收家業酬獎皇祐編敕本庫如無正名於有加業守闕人內差候勾當三周年無遺缺補充正名候替滿日再勾當三周年減逐出官六年六月十二日官告院言內殿承制無使紙條實不以有無食邑例用大綾紙七張緣本官自在殿中丞不乞改正用中綾紙標軸如有食邑者如舊從之七年五月二十二日舍人院言檢會官告院條制大學士已上並用白背五色綾紙法錦標觀文殿學士只用大綾紙法錦標大牙軸色帶子緣觀文殿學士乃在資政殿大學士之上是舊制悞定乞用知大學士例從之元豐五年六月十三日詳定官制所言定到制授教授奏授告身式從之哲宗元祐元年五月六日詔自今監司落權發遣及催字毋給告從中書省言也紹聖元年九月十五日吏部言中書舍人朱服言元豐五年條制階官及職事官及選人凡入品者皆給告身其無品者給黃牌元祐六年改元豐五年專條除職事官監察御史以上及除降官職依舊外應內外差遣并職事官本等內改易或在任者並給黃牌乃與無品人等詔今後帥臣監司并待制已上知州並給告身依舊條二十八

日三省近詔帥臣監司并待制已上知州並給告餘依舊條契勘除帥臣并待制以上知州給告外其監司不係升入路分本等內改易者止給黃牌從之三年七月二十三日詔職事官監察御史以上因罪罷黜並給告從中書舍人葉祖洽請也元符元年十一月十五日吏部侍郎黃裳言元豐官制入品官皆給告身其無品者給黃牌故小使臣皆給告身後來待務從簡遂行先劄指揮於理未安請自借職奉職而上皆給告身復元豐官制從之又吏部言元祐法小使臣只降先劄乞自承信郎而上依舊給告徽宗政和三年十二月二十一日詔大禮畢宮人遷秩日夕降告內降錄黃似煩碎不繫事體輕重可令吏部出空頭官告疾速進入尚字五通司事一十道典字三十道掌字五十通四年正月四日詔諸妃皆身綾紙四妃用雲龍貴儀至婉容用葛葛鸞昭儀至充媛用蘭蕤婕妤至美人用荇魚內命婦皆身綾紙內宰副用遍地雲鳳宮正尚宮內史郡夫人詔中用雲鳳國夫人用遍地雲鶴寶林至掌樂管勾仙韶公事用雲鳳堂和元年二月二十九日中書省尚書省言勘會官告院製告身法物合用造綾紙近已措置更定花樣名色慮名間私輒做偽織造及買販服用當立法禁止今擬條項諸官告院製造告身法物應用綾錦私輒做偽織造及

買販服用者許人告賞錢三十貫從之欽宗靖康元年九月二十三日尚書省言官員付身敕劄係大程觀承發近多留滯不依限發放欲乞今後發出付身告命並當日具名件并發下月日及承受大程官報尚書省都門下即時出榜如有違滯並許當行人吏並科杖六十罪從之高宗建炎元年五月十二日詔恩轉官除文臣太中大夫武臣正任觀察使及宗室南班以上並命解給告身其餘令吏部具欵降敕三年二月二十三日官詔應除授遷官等合出告身並依元年覃恩轉官例餘並劄子內補授名目人於所授敕劄上量行開說補授因依候事定日依舊三月九日詔文武除授遷轉並依舊給告仍令官告院疾速製造法物尚書省先次劄官下除授遷轉并已給敕官候法物成日給告先是除授遷官文武臣太中大夫觀察使以下並給敕緣臣僚言朝廷專降告命招撫及行軍給降空名官告之類若但給敕非惟難以示信且事體削弱故有是詔六月十八日詔封贈官告如闕綾羅即以絹充仍於左藏庫支絹三百疋次色錦五十疋疋製造二十一日詔官告院依祿全支茶湯錢各事費文就料錢曆批請其權官並依正官例從本院請也二十八日詔今後文臣帶直祕閣武臣帶遼郡以上給告朝奉大夫武翼大夫給敕其初補官人依自來條

例給付身八月十日尚書省言官告自來書尚書左右丞今除參知政事
亦合通簽從之九月二十九日詔刑部契勘應給降空名告劄等先注籍
仍取會有無補授之人及姓名因依銷簿先是刑部郎中蘇恪言空名官
告將以待有功欲乞每遇給降做度字號置合開簿俾銓曹堂其受人之
乞全具事目及字號報掌簿官銷簿注籍候參部自審驗簿號方許注授
詔從之四年四月三十日詔比年爵賞失實名器浸輕可自今後將即監
司守臣並不得陳乞空名告敕宣劄如實有功人仰保明申奏以憑推賞
雖大臣出使亦當遵守六月八日詔文臣朝奉大夫武臣武翼大夫以上
轉官給告文臣通直郎武臣武翼郎以上轉官給敕選人初授官給綾紙
改京朝官給告換階官給敕先是吏部侍郎蔡景禮言已降指揮初補官
人給付身勘會選人有舊假官未入官者並係初授敕或補牒即未經出
給告命欲乞依初補官人例給告敕有是詔九月二十五日臣僚言奏補
授官告敕自來不曾載三代鄉貫年甲欲乞今後被蔭人告敕並行書寫
從十一月五日官告院言吏部簽發到奏欽到院其欽內稱說年甲鄉貫
貫三代本院依本書寫外其錄黃給告多無三代或止有年甲鄉貫及全
下稱說者欲乞今後遇出給初補官人告命或無三代鄉貫年甲者令大

程官齋告取家狀付院書填從之紹興二年三月二十七日詔四品以上官及職事官監察御史以上官告並用錦標外其餘官并封贈權用纈羅代充仍令所屬依舊制描樣開板製造先裝背四軸申尚書省六月二日詔給降空名官告綾紙已今官告院置簿今後諸處補授合書填官司限一日開具申吏部應告空名官告綾紙官司半年一次開具已未書填通敕申吏部照會先是侍郎鄭滋言小使臣校尉自來給降空名官告綾紙即未有諸處申發到書填補授姓名因依無以考察偽冒故有是詔王年十二月十日詔安府言武翼郎王頌遭居民遺火燒毀高祖父超故在建雄軍節度使告一通曾祖父德用皇祐四年授河陽三城節度使同中書門下平章事告一軸并嘉祐元年任忠武軍節度使告一軸今錄白曾祖德用神道碑一本于照詔令王頌召阻朝官二員委保是實王德用本家親的之孫即依條出給四年六月二十一日詔除授館職職事官及即臣監司並依舊法給告惟計議官依編修官出敕先是臣僚言五品以下命以敕劉殊損國體送部檢會言舊法編修官出敕館職寺監丞博士御史臺檢法主簿命詞給告承務郎以上磨勘轉官出告特恩轉官仍命詞外任差遣出敕監司並合命詞給告舊無計議官未審是何付身故有是

詔五年五月二十日詔太師至尚書令綾紙可降本格二等用十五張色背五色綾紙其餘官並降本格太師至尚書令左右僕射至開府儀同三司並用十五張色背五色綾紙知樞密院事至宗室環衛官觀文殿學士至觀察使並用五張白背五色綾紙宣奉大夫至僕用十張白綾紙十給事中至伯八萬白綾紙中大夫至子七張白綾紙七寺少卿至和安大夫至翰林良醫尚書諸司員外郎至翰林醫正並用六張白綾紙奉議郎至太子諸率府副率秘書省校書郎至諸軍指揮使以下遠郡敕史以上馬步軍都頭至蕃落馬步軍都指揮使並用五張白綾紙以官告院言工部會告命品從數多合行減損故有是詔六年二月十六日詔偽告綾紙度牒依詐為制書法斷罪先是工部言官告院所用綾紙花樣不一易以偽冒乞下文思院別織一體花樣仍於綾上織字號專充官告其做偽制作之人乞重立法故有是詔三月一日詔文武官磨勘給告並量收綾紙錢先是文思院織造告綾費用倍多臣僚以為言故有是詔同日詔官告院吏人入仕年月並依吏部侍郎右選理二十五年先是官告院言本院人吏選補並守熙寧法近吏部申明將本院主事滿三年半外通入仕又三十年方許出職仍理其所少年限勒令殿選緣從來本院遵守舊法近

吏部由明將滿三年半出職別無理年殿選之文況六曹所理入仕年月
各以人額多寡理年有理三十年處及有二十五年處各緣充主事年月
不多如刑部都官止充主事滿一年或一年一季止理二十五年出職或
遇大禮又許解法欠名三年半中約解發三人本院緣守舊法三年半止
解發一名更不理入仕年月故有是詔官告院日詔官告院官去替半年
方許差人其已差替人并見闕未到之人並別與差遣如願歸吏部注授
之人特依者罷法與指射差遣一次願就官官徽廟者職七年三月十三
日詔湖北京西宣撫使兵飛所有立奇功除正任及轉橫行選郡官告日
下給付免進入以飛所解法妨起發欠已十一年十一月十日吏部言措
置官員轉官及封贈告制度若依舊法製造竊慮難以應辦欲量增綾紙
從之一文臣太中大夫武臣正任觀察使以上轉官並用雜色錦襪綵帶
撥花大紅牙軸文臣監察御史以上并行在職事官寺監丞簿以上外路
帥司監司轉運判官提舉茶塩市舶常平等以上并除貼職之人中大夫
至奉直大夫武臣通侍大夫至右武大夫及帶選郡并武功大夫至修武
郎以上並用雜色錦襪綵帶撥花中紅牙軸文臣朝請大夫至通直郎武
臣武功大夫至修武郎以上並用紅綾標碧綠綾帶撥花中紅牙軸陞朝

官量行添軸改造襍袋一綾紙錢內文臣太中大夫武臣觀察使以上並
免文臣中散大夫武臣建郡刺史以上二十貫文臣朝奉大夫武臣武翼
大夫以上一十五貫文臣通直郎武臣修武郎以上一十貫以上各欲增
五貫一封贈綾紙錢三公三少開府儀同三司七貫五百文東宮三師三
少特進太尉金紫銀青光祿大夫左右金吾衛左右衛上將軍節度使承
宣觀察使六貫宣奉正奉通奉大夫左右驍騎以下諸衛上將軍三貫
貫五百文通議太中大夫三貫以上並欲增一倍中大夫中奉中散大夫
防禦團練使諸州刺史左右金吾以下諸衛大將軍二貫六百文朝議奉
直朝請散朝奉大夫二貫三百文朝請朝散朝奉承議郎諸衛將軍太朝
子諸率府率一貫八百文奉議通直郎太子諸率副率一貫五百文宣教
郎以下一貫已上並欲增一倍母及朝奉大夫建郡刺史以上妻七貫二
百五十文欲增四貫七百五十文餘妻六貫四百五十文欲增三貫五百
五十文武功武德武顯武節武畧武經武義武翼大夫建郡同二貫三百
文武功武德武顯武節武畧武經武義武翼郎一貫八百文訓武修武從
義秉義忠訓郎一貫五百文以上並欲增一倍從之十三年四月二十九
日詔文武官給告日並下吏部於年月日前繫寫主管院官名銜先是臣

餘言百官遷政惟官告院知其詳其監官欲書名於綾紙背以防冒偽而
主官院陳接言紙背書名日久易以磨外故有是詔十四年三月二十二
日應今後告命並用新法綾紙先是尚書省言換給封贈今用雜綾紙恐
生姦弊故有是詔二十六年八月二十八日詔外國告身合用襪軸銷金
法物並依舊制施行九月六日詔内外文武臣僚告敕並依大觀格製造
裁減吏顧共置二十九人後降下官告樣十六軸并物料等今有司製造
沈該等奏依已得指揮自來年正月為始上曰此是大觀式朕已令各隨
官品畫成圖冊他日可以按圖製造二十七年二月二日將作監奏契勘
依近降官告法式應内外命婦遷轉并贈封告命並銷金繡承指揮内命
婦遷轉并封贈外命婦封贈即夫人以上並依格用網袋外其餘以次並
權不給竊慮告身銷金亦令參照欲望除内命婦遷轉并封贈外命婦封
贈即夫人以上依法式外其餘並權住銷金從之五月三日工部狀近降
指揮禁止錢金銷金裝飾之類所有文思院見造銷金告身綾羅紙軸頭
今欲將文武臣僚并内命婦遷轉封贈外命婦封贈即夫人以上及外國
封爵加恩告命等並依已降大觀格製造給降行使所有應合用軸頭上
貼錢銷金乞止用撥花滿粉生色從之三十二年六月一日官告院言契

勅本院先降到大觀格出告樣製照得內外命婦十等式內除止有貴妃
淑妃德妃賢妃用十八張銷金羅紙并親用妻用十張銷金羅紙外所有
皇太子妃并一字王夫人羅紙法物亦未有該載立定格式今欲將所出
上件皇太子妃此附四妃王夫人此附親王妻羅紙張數法物等書寫出
給授進從之終興三十二年六月十九日孝宗即位未改元主管官告院
言官節次承吏部發到敕黃出給諸軍陣亡贈官告命依法係宰執發
書竊見大禮恩霽文武百官封贈除見在兩府係宰執發書外其餘並是
代書欲權依大禮封贈例免書宰執從之孝宗隆興元年七月二十四日
官告院言契勘本院應出給功賞轉官等告命宰執侍從左司都事郎官
告院官依昨出給空名官告例代行發書續承指揮除宰職分書與院官
親書外其餘官並代書竊緣實告代書數多又恐日後無以稽考欲乞將
大使臣修武部以上官親書吏部尚書小使臣從義部以下親書吏部侍
郎外其餘官並乞代書施行從之八月十七日官告院言見管主令各一
人書令史三人守當官五人貼書七人楷書一十二人又緣起辦出給單
恩轉管等告命人力不及若更行裁減必至幹辦不前乞將本院正額人
數許行依舊存留候將來出告稀大日別取指揮施行見在人且今依舊

將來遇闕更不遞補撥填從之二年閏十一月二日主管官告院劉貢等
言契勘本院每日出給告命又遇大禮天行出給宰執親王侍從文武百
官加恩封贈及后妃內命婦封贈三代諸色告命其所用綾紙法物並係
文思院預期造納今果左藏庫剩雜花綾寫緣大禮在近臨期難以辦集
欲將應合接進告命依舊用大觀格雜花綾出給接進外其餘文武官諸
色功費及常程等告命並權用左藏庫見管制教官告度牒令文思院於
本庫支改家同打背五張六張七張八張代雜綾花紙充告身使用候將
來支使制教綾盡絕日依已降指揮並用雜花綾紙出給告命從之二十
七日詔應軍功改正重疊告命並特與免納綾紙錢乾道元年四月二十
五日詔令六部三衙官告院自今後出給功賞告命文帖等子細聲說元
具功官司立功去處是何等第某軍某將其隊某職名某人內合降宣命
人亦仰所屬依此開具申樞密院給降九月六日詔吳璘今次起發諸路
進馬二千匹到行在將合轉官資之人並特與免綾紙錢二年三月二十
四日詔應收捕盜賊立功不以常格推恩之人內武臣與免納綾紙錢三
年二月七日主管官告院任紳羅鞏言契應文武臣朝官以上封贈母勳
妻告命昨於紹興二十七年已前係用七張五張絹紙紅黃各二張青赤

緣絹紙各一張自紹興二十六年已降指揮文武官告式依大觀格製造
仍自紹興二十七年正月一日為始降到告式內文武官封贈母妻用七
張五色羅紙書寫紅青各二張赤綠黃羅紙各一張數內黃紙舊依合用
二張今却用一張青羅紙合用一張今却用二張是致寫告命黑青一書
同不見字跡乞今文思院下界將見今封贈合用羅紙數內青數紙二張
依紹興二十七年已前體式用紅黃各二張青赤綠羅各一張以憑書寫
告命及七張銷金五色羅紙亦乞依此造作庶得書寫易為辨認從之八
月二十五日主管管告院言大小使臣因在外監司守臣按舉降官並不
命詞止其罪由始末載之告身如係事干衆人止坐本人一名所得罪犯
因依書寫免致素煩從之十月十三日兵部侍郎周操劄子契勘官告綾
紙自命官九品而上給降之式用五等葵花樣梨品則具在自紹興二十
六年已後許用雜花鳳綾二色無用已造下列敕綾泰雜書填制度蕩然
無復別識欲望睿斷盡復制敕綾紙舊制將雜花鳳綾二色並行住罷詔
令文思院於左藏西庫雜花綾內且行闕取與見制敕綾相兼使用候織
到新制敕綾日住罷四年八月十一日官告院言本院出給文武官并諸
軍都虞候御前忠佐封贈父母妻告命合生色玳瑁軸生色玳瑁軸頭其

文思院造納不繼恐致留滯欲乞將文武官母妻及忠佐封母告依格支
 給生色紙絹勒頭外其諸軍都虞候封贈母告許用次等紅牙中軸充代
 從之五年三月四日權工部侍郎姜先劄子先將文武官告身及僧道度
 牒從之舊式間以文思院制綾六字織造復行舊法庶幾絕竝偽以為較
 永久不易之利從之七年二月十六日詔應諸軍該軍忠轉官之人往往
 拘於綾紙錢留滯未能就授並特與免納六月二十二日中書門下有言
 勅會已降指揮文武官告身等並以文思院制綾製造今承文思院已
 織到制綾一千二百七十四疋并見在雜花綾三百三十四匹詔令吏
 部將僧道度牒將仕郎助教綾並權用雜花綾充仍自七月一日為始
 十二月二日三省樞密院言三衙并在外諸軍應陳乞收使立功授到轉
 官公牒并改正冒授承代功賞及差錯付身所給告身命綾紙錢五特與免
 納仍令諸軍出榜曉諭八年十二月二十九日主管官告院沈端節言乞
 於本部別置告身綾紙庫盛預綾紙仍令文思院將每歲合用之數製造
 不得過數積雇數有損壞官物及將來驗到見在堪用告身綾紙盡數交
 與赴庫收掌合置監官檢察出納并手分行遣又字監官就差六門監門
 兼行主管并監門下手分兼行遣又字合置專知官庫子各一名本院見

渭清按無字
在而字下非
行文

有專制二名於內者罷一名却改充告身綾紙庫專知官請給依架閣庫
專知官則例庫子下文思院抽差請給依本院則例從之淳熙元年六月
七日詔請軍功賞轉官告身令依舊舊書軍執從侍等官隆興元年七月
二十五日指揮更不施行以中書門下省言請軍功賞轉官告身昨因擬
并除力分書外餘並代書恐無所稽考故有是命二十三日詔自今文武
臣轉官初補備資叙復封贈之類合納綾紙錢並與免納仍令敕令所將
綾紙錢條格刪去二年十二月二十八日吏部言已降敕書應文武陞朝
官父母並與加封各各命詞給告今欲將太中大夫觀察使以上合具奏
外其餘加封等第又字乞預降詞本付官告院依禮式書寫出給庶省減
行移不致留滯從之十年十二月復有此旨十三年正月二十七日吏部
言吏部侍郎兼太子詹事余端禮奏告身必書三代鄉貫年甲所以辨同
異也今鈐曹四選書告莫不皆然而其間有所謂教授告者於三代鄉貫
年甲獨畧而不書惟書姓名而已天下若姓與名適然同者多矣以適同
之姓名而三代鄉貫年甲以為之辨無怪乎詐冒之未能盡察也竊乞今
後應給告身並須明書三代鄉貫年甲以絕姦弊實銓法一助奉旨令吏
部長貳勘當以聞日等勘當又臣出給告命欲照應自来給告格式施行

大小使臣校尉出給官命綾紙付身除官告院見今告身內已繫滿三代鄉貫年甲名色外所有從來教授并奏授未曾繫滿三代鄉貫年甲名色乞今後告後背批三代鄉貫年甲如內有一時特旨并功賞等無家狀案證見得之人先次出給告命行下所屬給付去處取索家狀亦於告後背批官押用印照會將來到部注授或陳乞事節照驗得若係今降指揮之後所給告命付身如未經所屬背批之人從吏部照對家狀三代鄉貫背批押官用印施行從二月二十三日工部侍郎兼樞密都承旨李昌圖圖言文思院下界申製造大禮并慶典告命制敕綾紙約用制敕綾五六萬道今乞自從官及太中大夫以上並用制敕綾紙外其餘權以雜花綾代用庶幾不致闕誤官告院伏照得文思院所申事理未盡乞將文臣監察御史以上并帶貼職人及武臣正使帶遙郡以上合授進告命并應行在職事官差除及文臣應初補官告並用制敕綾紙出給其餘應干轉官等告命權以雜花綾充代從之既而主管官告院曾三復虞侍言於去年內緣慶典封叙循轉官資等告命數目太多文思院申明權以雜花綾紙用今來慶典封叙限滿已及兩月止有理當磨勘須三兩年內對用方得了絕難為一向家同雜花綾紙乞除大理封贈仍舊用雜花綾紙自餘告

命依元格並用綾紙制敕出給庶幾可以防閑欺弊從之十二月九日詔
官告院減貼司一人工匠一人看管兵士二人以司農少卿吳煥議減冗
食下敕令所裁定故有是命淳熙十六年二月十五日吏部言承登極敕
應文臣承務郎以上及致仕官並與轉官并承直郎以下在職任并敕廟
人與循一資乞中書後有降下轉官詞語定本訖備坐去欽候畫閣下部
日付官告院依敕授體式命詞書寫出給告命從之慶元三年十二月十
二日臣僚言舊格文臣武除侍從官以上及戰功軍功歸明歸正換給補
授等外其餘循轉封贈之類並納官告綾紙錢淳熙初元修吏部七司法
至納綾紙錢條格一項孝宗皇帝御筆圈訖取逐年收到錢數以聞於是
得旨文臣轉官初補循資叙復封贈之類係是恩數所有合納綾紙錢今
後並與免納仍令敕令所將綾紙錢條格刪去已是立為成法可謂坦然
明白士大夫每感朝廷寬大夫恩自是來亦未見用度之不足也近緣紹
興五年臣僚奏請失於契勘元是孝宗聖旨蠲免却於所乞項內止說
後來偶行免納致吏戶部指定逐年復納有司既不推本原輕有衝改給
舍亦偶失繳駁再使舉行其傷大體損陰恩莫甚於此謂若數目稍多國
計所仰猶曰不得已而行之況今來指揮比之舊法又將從軍訓諫官以

下歸正歸明副使以下及校尉換給將仕郎初補並免納則所收之數愈更鮮少版曹常賦固有定數僕使長貳郎曹心詳稍長不為胥吏所弊及時拘推諸路既無積欠國用亦自周足又何必與天下士大夫較此毫無而失孝宗寬大之意乎至於旅寒微官采自遠方必困旅費兼其他武臣資序雖高多苦貧乏且加優恤不堪重之以此又况陪取小官綾紙之直以補侍從以上官給告之費恩意事體而失之矣乞仍舊從孝宗皇帝聖旨指揮永為良法矧今郊禋竣事霽澤普行使封贈循轉凡霽恩數者率皆涵沐浴下降天厚地之德宜不休哉從之嘉泰元年五月十八日都省勘會官員磨勘轉官及奏補告命近緣文思院被火樞住織造制敕綾已許用雜花綾書寫其告院人吏乘勢作弊留滯積壓至多故行邀阻致有錢黃畫鈔下部月餘不得告者不惟損折官員磨勘月日亦恐暑月留旅詔官告院特見在合出告命並限五日須管一併出給其日後到院文字亦仰當日書寫給發不得更有留滯嘉定六年九月二十六日吏刑部敕令所看詳官告院寫告楷書祝椿年滿補進武副尉事照得官告院楷書保大觀政和年間一時指揮七年補官委是太近紹興年間劉思恭一名補授外經今歲久並不放行今省部等處正貼司元法七年比換副尉已於

紹熙二年從長貳後省看詳集議增三年作十年為限每歲不得過四十人合參照上件指揮施行照得官告院楷书額官一十二名昨於開禧元年十二月內承降指揮日同時撥正理年今雖例贈三年則他時年及一十二名盡該陳乞補授今當立定限制使有司得以遵守乞降指揮候將來十年陟滿日每歲止許從上幾人陳乞補授如上名未願補授者方許以次人陳乞詔官告院楷书今後補授依吏刑部敕令所看詳到事理或中正額楷书之人以一十二名為額候滿十年日每歲止許從上補授一名如上名未願補授者方許以次人陳乞仍不得過每歲省部寺監諸司人吏正貼司比換副尉四十人之數

全唐文

宋會要

大興卷一千
九百七十八卷
一百四十六
百十五

吏部格式司太祖建隆元年十一月詔天下縣除赤畿
次赤畿外重升降地望取四千戶以上為望三千戶以
上為繁二千戶以上為上千戶以上為中不滿千戶為
中下五百戶以下為下自今每三年一次升降。太宗
太平興國三年六月詔廣南縣五百戶以下者止置主
簿一員兼令尉事 雍熙二年十二月詔定幕職州縣
官俸錢 淳化五年七月詔諸州木夾文解解依格逐季
申發令進奏院即事收下勿得稽滯 至道二年四月
詔自今後初出官人使人初等幕職者料錢止給七千

若已有入官資考許請前任料錢合入令錄入初等幕
職者依本州錄事例給奉 真宗咸平四年二月詔格
式司自今如有不切子細勘會升降戶口參定料錢干
繫人吏重行決罰三月詔逐季闕解三年一次升降戶
口令有司定式樣頒下五月詔吏部格式所轄木夾闕
解帳本司置籍委主判官躬親點檢銷注架閣收掌無
得散失八月詔廣南路幕職州縣官知州處自今並差
京官其潯州錄事參軍貴州司戶參軍及春州元下置
官外其龔白南儀鬱林高化橫七州錄事參軍依舊不
置 六年七月詔州縣官俸錢米麥並須經格式司升
降則例支給不得專擅增減 景德二年正月詔廣南

試銜知縣通判除合給錄事俸錢外更與添支 三年
正月詔格式司起請幕職州縣官司士文學參軍板簿
具錄出身歷任鄉貫三代其外州所資寓居者亦抄錄
官名替罷因依供申令格式司別置得替官板簿點檢
拘轄如有改授及丁憂事故即時批鑿銷注委判銓官
常切點檢四月詔自今已是令錄知令錄引見與幕
職者即注節察推官軍事判官其判司簿尉司理參軍
資考合入令錄引見與幕職者且注初等給本州錄事
或倚郭令俸不得過十五千十一月詔吏部銓所注幕
職州縣官令格式司每月具半年未上人名銜申銓銓
司上簿移牒催促若新授官身亡丁憂不赴任者所在

修書門可
備考

卷一百八

根究具事以聞別行注擬 大中祥符二年十二月詔

自今銀臺司送下奏狀但千員闕者即送吏部銓上簿

送格式司勘會如的是合收闕即具狀上銓注官若已

注替即批鑿狀後送銓 六年十月權判吏部銓慎從

吉言格式司用十道圖較郡縣上下緊望以定俸給而

戶口歲有登耗未嘗刊修頗誤程品乞差官校定新本

付本司行用從之 事具修書門 乾興元年二月流內銓言準

敕定奪廣南州軍千戶以上縣各置官兩員及令格式

司自今應廣南諸縣候三年一度升降敕下逐旋勘會

若有升及千戶以上縣即依今來所請置官兩員如是

降下戶口不及千戶縣令即依舊例止置官一員其有

減省下縣令候成資日依得替人例放令罷任從之

廣南東西路四十一縣見合各置官二員一員縣令一
員主簿兼尉東路廣州清遠增城懷集四會潮州潮陽
賀州桂嶺富川南雄州始興梅州程鄉連州陽山連山
韶州樂昌仁化康州端溪惠州歸善博羅端州高安英
州滄光新州新興恩州陽江西路桂州臨桂永寧荔浦
修仁靈川昭州平樂恭城龍平宜州龍水南儀州岑溪
白州博白融州武陽欽州靈山廉州合浦容州普寧陸
川賓州上林藤州錦津蒙立山高州茂名電白五月

仁宗

皇帝已即位未改元

流內銓言幕職令錄前任俸厚今任薄者欲

望損舊俸而給之凡二十千者給十八千十八千者給

十五千十五千者全給從之 神宗熙寧四年九月二十
二日中書門下言天下選人俸既薄而又多少不一
恐不足以勸廉吏請增逐月俸給詔依所定施行

庫

甲庫太宗至道三年十二月詔吏部甲庫許置院子一

人月給錢於祠部錢內支 真宗大中祥符五年四月
詔流內銓注官後日限給帖過院逐甲牒送門下省押
定送銓司七日銓司送南曹兩日南曹勾勘卿書後送
銓一日銓牒門下省一日門下省進內兩日候內中降
到中書中書兩日再付門下省却給付都有承勅人一
日送甲庫亦一日甲庫出給籤符關送南曹格式官告
院五日南曹給曆子十五日官告院給官告五日 七
年八月詔官告院應中書送門下擬官奏狀並送甲庫
依黃甲例收管准備諸處會同 十一月詔今後廢置
司應收到事故合廢置選人官告文字並畫時當廳批
鑒牒送刑部毀抹